

四庫全書

子部

欽定四庫全書

御定淵鑑類函卷二百二十六

武功部二十一 弩 矢

弩一

原釋名曰弩怒也有勢怒也鉤弦者牙似齒牙也牙外
曰郭為牙之規郭也下曰懸刀其形然也含括之口曰
機言如機之巧也亦言如門戶之樞機開闔有節古
史考曰黃帝作弩太公兵法曰弩之神名遠望尚

書帝令驗曰王弩發驚天下注曰秦野有枉矢星形似弩其星西流天下見之而驚呼其柄曰臂似人臂也

戰國策曰蘇秦為楚合從元戎以鐵為矢長八寸一弩十矢俱發南越志曰龍川嘗有銅弩牙流水皆以銀黃雕鏤取之者祀而後得父老云越王弩營處也

增管子曰驚驚之舍近鷓鴣鵠之通遠鷓鴣之所在君式譬而聘之菹澤之民聞之越平而射遠非十鈞之弩不能中鷓鴣鵠彼十鈞之弩不得排撒不能自正

故三月解旬而弓弩無匡軫

音侈
礙也

者此何故也以其家

習其所也

孫武子曰善戰者其勢險其節短勢如彊

弩節如發機

漢書鼂錯傳錯上言兵事曰弩不可以

及遠與短兵同

淮南子曰銅不可以為弩又曰兵

如植木弩如羊角

阮子曰世多善弩而拙於弓弓無

法準故任巧由意弩有法準故易有善又抱朴子云

秋以弓弩在前

又吳錄曰松梁山山石開處容數十

丈高竹弩不及其上在澧州

炙轂子曰夷牟製角弩

馬上用之步敵則木弩 武侯十六策治軍曰夫將者

其令若漂水暴至其獲若鷹隼之擊物靜若彊弩之張

動如機關之發 又亢倉子曰兵誠義以誅暴君而振

苦人人之悅也若孝子之見慈親餓隸之遇美食號呼

而走之若彊弩之射深谷也 魏志荀彧曰千鈞之弩

不能以鱗鼠發機 唐書儀衛志曰親王鹵簿憶弩一

品二品四品萬年令皆有之 又兵志曰擇才勇者為

番頭頗習弩射又有羽林軍飛騎亦習弩凡伏遠弩自

能施張縱矢三百步四發而二中擘張弩二百三十步
四發而二中角弓弩二百步四發而三中單弓弩百六
十步四發而二中皆為及第 又南蠻傳曰王親兵曰
朱弩佉直佉直韋帶也 唐六典武庫令曰弩之制有
七一曰擘張弩二曰角弓弩三曰木單弩四曰大木單
弩五曰竹竿弩六曰大竹竿弩七曰伏遠弩

弩二

原史記曰龐涓追孫臏臏量其暮當至馬陵道狹可伏

兵乃斫大樹白而書之曰龐涓死此樹下令萬弩夾道而伏期日暮見火舉而俱發龐涓夜至斫木下見白書乃鑽火燭之萬弩俱發龐涓自知智窮乃自刎曰遂成豎子之名 增又曰始皇初即位穿治鄜山及并天下天下徒送詣七十餘萬人穿三泉下銅而致椁宮觀百官奇器珍怪徙藏滿之令匠作機弩矢有所穿近者輒射之 原又曰項羽伏弩射中漢王傷胷乃捫足曰虜中吾指 日南傳曰南越王尉佗攻安陽有神人舉通

為安陽王治神弩一張一發萬人死三發殺三萬人

吳志曰甘寧招合輕薄少年為之渠帥羣衆相隨挾持
弓弩負眊帶鈴民間鈴聲即知是寧也 晉陽秋曰初

高祖勒兵闕下經曹爽門爽帳下督嚴世引弩將射高
祖孫謙在後牽止之曰事未可知三注三止高祖車乃
過 會稽典錄曰鍾離牧謂朱育曰大皇帝以中國多
騎欲得騎而當之然不若吳神鋒弩射三里貫洞三四
馬騎敢近之乎 華陽國志曰鄧芝征涪陵見元援抱

子在樹上引弩射之中猿母其子為拔箭以木葉塞創

芝乃歎曰吾違物之性其將死矣投弩水中 風俗通

曰汲令應郴請主簿杜宣飲酒時北壁上懸赤弩照於
杯中其形如蛇宣畏惡之然不敢不飲因得病郴後知

之思惟必懸弩所為也使致宣於故處設酒杯中猶有
蛇因謂之此壁上弩影耳非有他怪宣意解病即愈

增劉晝和性篇曰董安于性緩佩弦以自急 通鑑唐

紀曰李密驅掠徒衆直趨南山乘險而東盛彥師帥衆

踰熊耳山南據要道令弓弩夾路乘高刀楯伏於谿谷

擊之遂斬密 又曰秦王世民圍洛陽宮城城中守禦

甚嚴八弓弩箭如車輻鏃如巨斧射五百步

注八弓弩
八弓共一

秦也如古連弩今之
划車弩亦其類也

通鑑唐紀注曰今揚州城西北

有雷塘塘西有吳公臺相傳以為陳吳明徹攻廣陵所

築弩臺以射城中 唐書馮盎傳曰羅賓諸洞獠叛詔

盎率衆為先鋒賊據險不可攻盎持弩語左右曰矢盡

勝負可知矣發七矢斃七人賊退走縱兵乘之斬千餘

級 又韓滉傳曰李晟屯渭北滉運米饋之船置千弩

以相警捍賊不能剽 又柏良器傳曰李希烈圍寧陵

良器以救兵至擇弩手善游者沿汴渠夜入及旦伏弩

發賊乘城者皆死 又王凝傳曰凝遷宣歙池觀察使

時江南環境為盜區凝以強弩據采石張疑幟遣別將

馬頴解和州之圍 又田頔傳曰當時稱朱瑾梁米志

誠弩皆為第一 五代史曰劉龔遣將蘇章以神弩軍

三千救封州章以兩鐵索沈賀江中為巨輪於岸上築

堤以隱之因輕舟迎戰陽敗而奔楚人逐之章舉巨輪
挽索鎖楚舟以強弩夾江射之 文獻通考曰宋太祖

開寶八年將平江南簡稽軍實京師所造兵器十日一
進謂之旬課上親閱之制作精絕尤為犀利弓弩院歲
造角色弓白樺弓虎翼弩馬黃弩林子弩 又曰慶歷
四年賜鄜延路總管風羽子弩箭三十萬 通鑑宋紀
曰南漢人教象為陣每象載十數人皆執兵仗凡陣必
置陣前以壯軍威潘美集勁弩射之象奔蹏乘者皆墜

反踐承渥軍軍遂大敗承渥僅以身免美進拔韶州

又曰夏主諒祚寇大順城環慶經略使蔡挺使蕃官趙明擊之諒祚衷銀甲毡帽督戰挺先遣强弩列壕外注矢下射諒祚中流矢遁去 玉海曰宋楊存中以韓世忠克敵弓雖勁而士病蹶張之難乃增損舊制造馬黄弩制度精密彼一矢未竟而此三發矣 通鑑元紀曰至正十二年三月隴西地震凡百餘日城郭頽圯陵谷遷變定西會州靜寧莊浪尤甚會州公宇墻崩中獲弩

五百餘張長者丈餘短者九尺人莫能挽因改定西為安定州會州為會寧州

弩三

原踰水

乘風

六韜云強弩長兵者所以踰水戰也慎子云弩弱而增高者乘於風也

大黃

沈紫

漢書云李廣以郎中令將四千騎出右北平匈奴左賢王將四萬騎圍廣廣身自以

大黃射其裨將殺數人胡虜益解會暮吏士無人色而廣意氣自如益治軍軍中服其勇也服虔云大黃黃肩

弩也晉灼曰黃肩即黃間也大黃其大者也陳琳武軍賦云弩則幽都筋角恒山壓幹通肌暢骨起崇曲彈

大黃沈紫直矢輕弦當鋒摧沒貫遐洞堅

白的

黃間

華陽國志云秦昭襄王時白虎為害

自秦蜀巴漢患之秦皇乃重募國中有能然虎者邑萬家金帛稱之於是閭中夷廖中等乃作白的弩於高樓上射虎中頭三節白虎常從羣虎嗔恚盡搏殺羣虎大响而死秦皇嘉之以其夷不欲封刻石盟要夷人安之

潘岳射雉賦云捧黃間以密毅屬剛挂以潛擬倒禽紛以迸落機聲振而未已注云黃間弩名

綠

沈紫間

劉劭趙都賦詳弓三陸機七導云操紫間之神機審必中而後射

八石

百石

六韜云選車士之法取年四十以下長七尺五寸以上走能逐奔馬及馳而乘之前後左右上下周

旋能縛束旌旗力能斂八石弩射前後左右皆便習者名曰武車之士不可不厚也魏明帝詩曰長戟十萬

隊幽冀百石弩發機若雷迅一發連四矢

千鈞

萬鈞

史記蘓代移穰侯書以天下攻齊如

千鈞之弩沒潰癰也宋書曰高祖軍多萬鈞神弩所至莫不摧陷

增擘張

蹶張

漢書

曰申屠嘉梁人也以材官蹶張從高帝擊項籍師古曰今之弩以手張者曰擘張以足蹋者曰蹶張

自

行

忽禁

風俗通行

晉書朱伺傳曰伺在楊口為杜曾等所

圓常所用弩忽禁不發

黃連

白竹

趙公王琚教射經曰弩古有黃連百竹八擔雙弓之

號今有絞車弩中七百步攻城拔壘用之擘張弩中三百步步戰用之馬弩中二百步馬戰用之玉海曰秦

閭中夷人能作白竹之弩

八擔

雙弓

見上黃連注

張遲

望遠

教射

經曰弩張遲臨敵不過二發所以戰陣不便於弩非弩不利於戰而將不明於弩也不可離於短兵當別為隊攢箭注射則前無立兵對無橫陣復以陣中張陣外射番次輪回張而復出射而復入則弩不絕聲敵無薄我

漢書藝文志兵技巧家有望遠連弩射法具十五篇

挈脚

平身

殺法今曰張弩後左

廂丁字立當弩八字立高檀手屈衫襟左手承撞右手迎上當心看張張有闊狹左胫右膊還復當心安箭高

舉射敵遠擡弩頭敵近平身放敵在左右回身放敵在高上擎脚踏放

金機銅牙

張衡南都

賦曰穀金機馳鳴鏑箭毫落勁翮杜甫詩曰正觀銅牙弩

弩地弩官

漢鼂錯上言兵

事曰平陵相遠川谷居間仰高臨下此弓弩之地也短兵百不當一玉海曰漢兵臨以弩為尚將軍有強弩

積弩之名南郡有發弩官

遊弩曠弩

漢鼂錯上言兵事曰遊弩往來什伍俱全漢書曰

公孫弘奏言民不得挾弓弩十賊曠弩百吏不敢前

射象

候魚

隋書劉方傳曰林邑王梵

志遣兵守險乘巨象四面而至方以弩射象象中瘡却蹂其陣因攻破之史記曰秦始皇自以連弩侯大魚

出射

築臺

置軍

唐書李元諒傳曰元諒節度隴西築連弩臺遠烽偵為守備玉海

曰皇祐四年河北河東陝西言郭詒所進獨轅街陣無敵流星弩可備軍陣用詔弓弩院製之尋以詔為鄙延

鈴轄給所製弩五百募土兵教之既成發石流星

魏志公孫度傳曰魏景初二年司馬宣王征公孫淵為發石連弩射城中王海曰皇祐元年三月知忻州郭

詒獻獨轅街陣無敵流星弩大槍小黃唐書南詔傳曰盧耽節

詔憚之武經總要曰古者有黃連百竹八摠雙弓之號絞車擘張馬弩之差今有叁弓合蟬手射小黃皆其

遺法靜塞摧山張雲咸通解圍錄曰南蠻有執旗者傳城發靜塞弩貫之王海曰西蜀

弩名尤多大者莫逾連弩十夫謂之羣鴉一夫謂之飛槍通呼為推山弩即孔明所謂元戎也又有八牛威邊

定戎靜塞弩弩手弩師通鑑唐紀曰崔安潛乞洪州弩手教蜀人用弩選千人號神機

營後漢順帝紀曰永建元年調
五營弩師郡舉五人教習戰射

走丸坐草

唐通鑑紀

曰西川節度使崔安潛奏乞洪州弩手教蜀人用弩走
九而射之選得千人號神機弩營蜀兵由是浸強說

海引漢蠻業笑曰山獠潛出省地茅
葦中射弩奪物機不虛發名坐草

原掌四弩

發

十矢

唐周禮司弓掌四弩仲春獻弓弩凡弩夾庾利攻守
唐大利車戰野戰注攻守相迫近弱弩發疾戰進

退非強不遠蜀志諸葛亮傳注曰亮長於巧思損益
連弩謂之元戎以鐵為矢矢長八寸一弩十矢俱發也

增膠續弦

蘭盛矢

此膠能屬連弓弩斷弦連刀劍
十洲記曰續弦膠或名連金泥

斷折之金膠連使人挽掣終不復脫漢書韓延壽令
騎士四面營陣被甲鞬鞞居馬上抱弩負蘭注蘭盛弩

矢者形如木桶

百券弩

八弓弩

唐書曰朱泚自將逼奉天
遂長圓以百券弩射城中

不及幄坐者三
步 下見弩二

木羽弩

木鶴弩

文獻通考曰隆興元年六月御寶封

木羽弩箭百四隻下樞密院江浙荆閩諸路製百萬
又曰乾道九年閏正月衢州張子顏造木鶴弩二千箭

十萬 摺疊弩

編架弩

通鑑元紀曰秦定帝時立行樞
密院於汴梁以伊蘇罕知院事

行視太行諸關以摺疊弩分給守關軍士 說海引桂
海虞衡志曰猺人弩又名編架弩無箭槽編架而射也

原谿子所出

太僕擅名

淮南子云烏號之弓谿子
之弩不能無弦而射註曰

南方谿子蠻夷強弩所出
之際去戰未久官兵勁利有蔡太僕之弩擅名天下

崔實政論云永平建初

魏氏瑣連

陳王參連

漢官解詁云魏氏瑣連孫吳之
法注曰兵書有黃氏瑣連之器

蓋弩射法也
法以天覆地載

華嶠後漢書云陳慙王寵善弩射其秘
參連為奇又三微三小三微為經三小

為緯經緯相將萬勝之方然要在機牙其射十發十中中皆同處

射六百步 射五

十步

戰國策曰蘇秦說韓王曰天下良弓勁弩皆自韓出谿子少府時力距來皆射六百步之外案鮑注

谿子少府時力距來皆弩名徐注曰時力距來謂得時力倍於常其勁足以距來敵 墨子云二步一木弩必

射五十步已上

神機千萬

強弩五百

王果檄江南文云今使百萬之師已具十

年之儲嚴鋒百鍊神機千萬 英雄記云王匡字公節輕財好施以任俠聞辟大將軍何進府進使匡於徐州

發強弩五百西詣京師會進敗匡還鄉里

陷堅攻強

張膽絕慮

六韜云陷堅陣

攻強敵大黃參連弩大扶胥三十六乘材士強弩矛戟為翼 尉繚子云兵如總木弩如羊角人人無不騰陵

張膽絕乎疑慮

三發衆潰

一張為備

續漢書云虞詡為武都太守虜來攻城詡

出戰使二十強弩共射一人三發而三中虜衆潰謝承後漢書曰高帝在平城為胡所困一人俱角弩一張

為備

千弩俱發

千張前登

漢書曰李陵至浚稽山與單于相值騎三萬圍陵軍

軍居兩山間以大車為營陵引士出營外為陣前行持戟盾後行持弓弩虜見漢軍少直前就營陵搏戰攻之千弩俱發應弦而倒英雄記云袁紹擊公孫瓚先令麴義領精兵八百強弩千張以為前登持滿

外嚮

持強並發

漢書匈奴傳曰冒頓縱兵圍高帝於白登七日冒頓取閼氏之言乃開圍

一角於是高帝令士皆持滿傳矢外嚮從解角直出得與大軍合而冒頓遂引兵去後漢書耿純傳云時赤

眉青犢上江大槓鐵脰五幡十餘萬衆並在射犬世祖引兵將擊之純軍在前去衆營數里賊忽夜攻純雨射營中士多死傷純勒部曲堅守不動選敢死二千人俱持強弩各傳三矢使叩枚間行繞出賊後齊聲呼譟強

弩並發賊衆驚走

疏勒煮弩狄道噉弩

東觀漢記云耿恭在疏勒城救兵不

至恭食盡窮困士卒乃煮鎧弩食其筋草恭與士推誠同死生故無二心朱勅表云西羌寇叛唯狄道為國

固守然民飢餓噉弩煮履宜救倒懸之急

末不穿縞

民不得挾

史記曰強弩之

末力不能穿魯縞公孫弘奏民不得挾弓弩

平原負弩

延壽負蘭

平原君負

弩矢前驅迎信陵君下見蘭盛夫注

增不能穀弩

亦可強弩

古詩紀曰

漢高祖阬於平城天下歌曰平城之下亦誠苦七日不食不能穀弩淮南子曰畢萬術云牛翁十四可以強

弩

愛側竹弩

張盧生弩

晉書云孟幹為吳人所獲將徙之臨海幹等志北歸

慮東徙轉遠以吳人愛蜀側竹弩言能作之皓留付作部後幹逃至京師吳越春秋云越王今安廣之人佩

石碣之矢張
盧生之弩

江淮弩士

浙西弩人

唐書曰浙西節度使韓滉命王

栖曜將弩數千夜入寧陵李希烈不之知晨朝弩矢及希烈坐帳希烈驚曰此江淮弩士今入矣遂不敢東希

烈夜敗又曰李德裕請弩人於浙西由是蜀之器械皆犀利

猶恨其少

必處其

高

先賢行狀曰袁尚使審配守鄴城曹操進軍攻鄴生獲配謂曰曩日孤之行圍何弩之多也配曰猶恨其

少耳

王琚教射經曰夫置弩必處其高

爭山奪山

守隘塞口破驍陷果非弩不克

破驍陷果

穿剛達堅

上見必處其高注

太白陰經發弩圖篇曰弩者怒也穿剛達堅自近及遠

一發皆走

六矢不動

八編類纂曰宋太祖至道二年上部分諸將攻討李繼遷令多

設強弩及賊布陣萬弩齊發賊無所施其技矢纔一發賊皆散走唐書曰令狐潮圍雍邱雷萬春立城上與

潮語伏弩發六夫
著面萬春不動

穀八石弩

試千步弩

太公六韜曰力能穀

八石弩射前後左右皆便習者名曰武車之士不可不厚也 文獻通考曰宋太祖嘗令試林子弩於近郊外

矢及七百步又令別造千步弩試之矢及三里

募士三萬人

激矢五百步

唐書楊收傳曰始南蠻自大中以來火邕州掠交趾調華人往屯涉氛瘴死者十七戰無功蠻勢益張收議豫章募士三萬置鎮南軍以拒蠻悉教蹋張戰必注滿蠻不能支 又趙俛傳曰俛子珣黃巢之難庫有巨弩機牙壞不能張珣以意調治激矢至五百步人馬皆洞賊畏不敢逼

原太守負弩先驅

縣令負弩先驅

漢書云霍去病為驃騎將軍過河東河東太守郊迎負弩先驅 又云司

馬相如為中郎將建節往使因巴蜀吏幣物以賂西南夷至蜀太守以下郊迎縣令負弩矢先驅蜀人以為寵

增三十卷共一臂 二十弩射一人

漢書李陵傳曰發連弩射單于

注張晏曰三十卷共一臂也後漢書虞詡傳曰詡為武都守羌衆萬餘來攻詡令軍中強弩勿發而潛發小弩羌以為矢力弱不能至并兵急攻於是使二十強弩共射一人發無不中

弩四

原弩生於弓

吳越春秋云陳音對越王曰弩生於弓弓生於彈彈起古之孝子臣聞楚琴氏以為

弓矢不足以威天下遂乃橫弓着臂施機設樞加以力郭為方城守臣子也教為人君命所起也牙為執法守吏卒也牛為中將主內裏也關為守禦檢去止也鈞為侍從聽人主也臂為道路通所使也弓為將軍主重負也弦為軍師禦戰士也矢為飛客主教使也金為實敵往不止也衛為副使正道里也縹為都尉執左右也

又曰射之道左足縱右足橫左手若附杖右手若抱兜右手發機左手不知此正射持弩之道也

弩

獨前戰

軍令云弩獨前戰令五鼓皆張羊角四鼓視麾所指

弦斷矢激

續漢書云宋則

子年十歲與蒼頭共弩射蒼頭弦斷矢激誤中之即死奴叩頭就誅則察而恕之潁川荀爽深以為美時人亦

服馬

增矢達十里外

矢殺子漢初得八牛弩以射楚軍矢達十里之外

作之

可加五倍

玉海曰魏馬鈞巧思絕世見諸葛亮連弩曰巧則巧矣未盡善也言作之可令加五倍

挽弩自射

晉書崔洪傳曰洪薦郗詵代己為左丞詵後糾洪洪曰我舉郗丞而反奏我是挽弩

射自

弩五

增賦漢班固西都賦曰機不虛倚 張衡南都賦曰駉
驥齊鑣黃間機張足逸驚飈鏃折毫芒俯貫魴鱖仰落
雙鷁魚不及竄鳥不暇翔 原吳朱異弩賦云南岳之
幹鍾山之鎬應機命中射隼高墉 晉左思吳都賦云
虞機發留鵠鵠 潘岳射雉賦曰鯨牙低鏃心平望審
增詩唐李嶠咏弩詩曰挺質本軒黃申威振遠方機張
驚雉雉玉彩耀星芒高鳥行應盡清猿坐見傷蘇秦六
百步持此說韓王

原銘後漢李尤弩銘曰放自近古發意所覩前聖制弓
後世建弩機牙發矢執破醜虜克獲雖屢猶不可常忘
戰者危極武者傷

原議後漢蔡邕幽州刺史議曰幽州突騎冀州強弩天
下精兵國家瞻核四方有事未嘗不取辦於二州也

矢一

原釋名曰矢指也言其所指向迅疾也又謂之箭前
進也其本曰足其形似木木以下為本以根為足又謂

之鏑鏑敵也言可以禦敵也齊人謂之鏃鏃族也言其所中皆族滅也關西謂之釭釭鉸也言有鉸刃也其末曰括括會也言與弦會也括旁曰叉形似叉也其受矢之器以皮曰箛柔服之義也織竹曰箙相迫箙之名也步叉人所帶以箭叉於其中也馬上曰韃韃建也言弓矢並建立其中

趙書云石虎破劉曜獲金銀步叉弓韃三千具

說文曰矢弓

弩矢也象鏑括羽之形爾雅曰金鏃箭羽謂之鏃

方言曰自關而東謂之矢江淮之間謂之鏃鏃音侯關西

曰箭郭璞注云箭者竹名因以為號也 增方言曰凡

箭鏃胡合羸者

胡鏃在於喉下羸邊也

四鏃

廣稜也

或曰拘腸三鏃

者謂之羊頭其廣長而薄鏃謂之鉚或謂之鈇

音範

又

曰其小而長中穿二孔者謂之鉚鑪

金箭鉚鑪空兩邊者也嗑噓兩音

其三鏃長尺六者謂之飛虫

此謂今射箭也

風者謂之平題

今戲

射箭頭題猶羊頭也

所以藏箭弩謂之箠弓謂之韃或謂之續

原世本曰牟夷作矢

牟夷黃帝臣名

孫卿子曰浮游作矢

太公兵法曰箭之神名續長

六韜曰陷堅陣敗強敵

大黃參連弩飛鳧電影自副

注曰飛鳧
電影矢名

飛鳧赤莖白羽

以鐵為首電影青莖赤羽以鋼為首

周易曰剡木為

矢以威天下

周官曰庭氏掌射國中之妖鳥若不見

其鳥獸則以救日之弓救月之矢夜射之

詳

又曰司

弓矢掌八矢之法八矢一曰枉二曰絜三曰殺四曰鏃

五曰矰六曰第七曰恒八曰庠凡枉矢絜矢利火射用

諸守城車戰殺矢鏃矢用之近射田獵矰矢第矢用之

弋射恒矢庠矢用之散射此八矢者弓弩各有四焉蓋

枉殺矰恒弓所用也繫鏃第庫弩所用也 禮記曰男

子生桑弧蓬矢六以射天地四方天地四方者男子之

所有事也故必先有志於其所有事 孟子曰矢人豈

不仁於函人哉矢人惟恐不傷人函人惟恐傷人 增

禮記曰后妃執弓挾矢于高禰之前 穀梁曰聘弓鏃

矢不出境場 詩義問曰總所以覆矢也謂箭筒蓋也

周列子曰列禦寇為伯昏無人射引之盈貫措杯水

其肘上發之鏑矢復沓方矢復寓

鏑矢言中也沓二矢中也復沓三矢中也

方夫第四夫也復寓第三夫纔去
第四夫已復在弦上藝殺而速也

尉繚子曰夫殺人

百步之外者誰也曰矢也 蘇秦傳曰三軍之良五家

之兵進如鋒矢戰如雷霆解如風雨 原三齊略記曰

城東南五十里有蒲臺高八十丈秦始皇所頓處時在

臺下紫蒲繫馬夾道數百步到今蒲生猶紫蒲似水楊

而勁堪為箭也 增韓子曰矢來無向則為鐵室以備

之 亢倉子曰句粵之幹鏃以精金鷲隼為之羽以之

掇箠則其與稿考朴也無擇及夫盪寇爭虔覲武淩勝

加之強弩之上則三百步之外不立敵矣 諸葛子曰

若能力兼三人身與馬如膠漆手與箭如飛壺誠宜寵

異 說苑指武曰羿逢蒙不能以枉矢弱弓射遠中微

魏志陳琳曰矢在弦上不可不發 唐六典曰箭之

制有四一曰竹箭二曰木箭三曰兵箭四曰弩箭 又

曰骨鏃曰髀鐵鏃曰鏑鳴箭曰骸霍葉曰鉞皆古之制

也竹箭以竹為筈諸箭亦通用木箭以木為筈唯利射

獵兵箭剛鏃而長用之射甲弩箭皮羽而短用之陷堅

也 筆談曰大駕鹵簿中有勦箭其牡謂之雄牡箭牝

謂之闕伏箭熙寧中罷之 遼史國語解曰車駕遠歸

閤門使持雄箭勦箭官持雌箭比較相合而後入宮

說選遼志曰契丹弓以皮為弦箭削櫟為簞 又曰西

樓有蒲瀕水叢生其葉如柳長不盈尋丈用以作箭不
矯作而堅左氏所謂董澤之蒲是也 金史曰國俗凡

重五日拜天禮畢插柳毬場為兩行當射者以尊卑序
各以帕識其枝去地約數寸削其皮而白之先以一人

馳馬前導後馳以無羽橫鏃箭射之既斷柳又以手接而馳去者為上斷而不能接去者次之或斷其青處及中而不能斷與不能中者為負 說選金志曰女直與契丹言語不通而無文字賦歛科發射箭為號事急者三射之

矢二

增禮記曰乘丘之役縣賁父御馬驚敗績遂死之圉人浴馬有流矢在白肉公曰非其罪也遂誅之 左傳曰

狄人伐衛公與石祁子玕與甯莊子矢使守曰以此贊
國擇利而為之 又曰呂錡射恭王中目王召養由基
與之兩矢使射呂錡中項伏弋而死以一矢復命 原
國語曰仲尼在陳有隼集於陳侯之庭而死楷矢貫之
石弩其長尺有咫陳惠公使人以隼如仲尼之館問之
仲尼曰此肅慎之矢也昔武王克商通道於九夷八蠻
肅慎氏貢楷矢石弩以分大姬配虞胡公而封諸侯於
陳 魯連子曰齊田單破燕軍復齊城惟聊城不下燕

將守數月魯仲連乃為書著之於矢以射城中遺燕將
燕將得書泣三日乃自殺 增劉向說苑曰荆王得茹
黃之狗宛路之矰以畋雲夢三月不返保申跪而笞王
出而自沈於澗荆王乃殺狗折矰 原韓子曰智伯將
伐趙趙襄子召張孟談曰奈無箭何孟談曰董安于之
治晉陽公宮之垣皆以櫓楚其櫓高十尺於是發而試
之其堅則幹之勁不能適也君曰奈無金何孟談曰董
安于之治晉陽宮舍之堂皆以銅為柱質君發而用之

有餘金矣 漢書曰李陵擊匈奴一日五十萬矢皆盡
虜攻急陵歎曰復人數十矢可以脫矣 東觀漢記曰
耿弇與張步戰矢中弇眼以佩刀摧之左右無知者
增通鑑漢紀曰曹操使夏侯淵張遼圍昌豨於東海糧
盡議引軍還遼謂淵曰數日以來每行諸圍豨輒屬目
視遼又其射矢更稀此必豨計猶豫故不力戰遼欲挑
與語儻可誘也 晉書桓石虔傳曰石虔材幹趨捷從
父在荊州獵圍見猛獸被箭而伏諸將戲令拔箭石虔

因急往拔得一箭獸跳虔亦跳及獸伏又拔一箭晉書載記曰劉曜雄武過人鐵厚一寸射而洞之於是稱為神射北周書帝紀曰賀拔岳至河曲為侯莫陳悅所害太祖乃率輕騎馳赴平涼時齊神武遣長史侯景招引岳衆太祖至安定遇之謂景曰賀拔公雖死宇文泰尚存卿何為也景失色對曰我猶箭耳隨人所射安能自裁又王傑傳曰魏恭帝元年傑從于謹圍江陵時柵內有人善用長稍戰士將登者多為所斃謹令傑

射之應弦而倒登者乃得入餘衆繼進遂拔之謹喜曰
濟我大事者在此箭也 三國典略曰梁以護軍將軍
陸法和為郢州刺史封江乘縣公法和嘗軍次白帝謂
人曰諸葛孔明可謂名將吾目見之此城旁有埋弩箭
鏃一斛許因令掘之果如其言 北史奚康生傳曰康
生少驍武彎弓十石矢異常箭為當時所服從王肅討
齊齊將張伏護自昇城樓言辭不遜肅令康生射之望
樓射窓扉開即入應箭而斃彼人見箭皆以為狂弩

唐書曰高祖擊龍門賊毋端兒射七十發皆中賊敗去而歛其尸以築京觀盡得其箭于其尸 又丘行恭傳曰行恭有勇善騎射初討王世充流矢着太宗馬行恭回射之發無虛鏃賊不敢前遂下拔箭以已馬進太宗步執長刀大呼導之斬數人突陣而還貞觀中詔斲石為人馬象拔箭狀立昭陵闕前以旌武功 又杜伏威傳曰煬帝遣右禦將軍陳稜以精兵討杜伏威伏威迎出挑戰稜軍射中其額伏威怒曰不殺汝夫不拔遂馳

入稜陣大呼衝擊衆披靡獲所射將使拔箭已斬之攜其首入稜軍示之又殺數十人又段志元傳曰劉文靜為桑顯和所襲軍且潰志元率壯騎馳賊中流矢忍不言突擊自如又王方翼傳曰三姓咽麴兵十萬踵至方翼次熱海進戰夫着臂引佩刀斷去左右莫知

唐書曰貞元十四年貢武舉并應百隻箭及三十隻箭等今年權停時諫議大夫田敦因蒙召對奏言兵部武舉等每年常數百千人持弓挾矢出入皇城間恐非所

宜上聞而懼故命停之其實武舉者每歲不過十數人
時議惡敦貴欲非短舊事奏議不寔自是訖於貞元更
不復置 五代史梁家人傳曰太祖與晉圍黃鄴於西
華鄴卒荷弔登城罵敵晉王使胡騎連射不能中太祖
顧友裕一發中之軍中皆大譁呼晉王喜遺友裕良弓
百矢 又雜傳曰朱守殷反伏誅霍彥威遣使者馳騎
獻兩箭為賀明宗賜兩箭以報之 又曰長從簡嘗中
流矢鏃入髀骨命工取之工無良藥欲鑿其骨人皆以

為不可從簡遽使鑿之工遲疑不忍下從簡叱其亟鑿
左右視者皆若不勝其毒而從簡言笑自若 又曰晉
以箭書二百射城中悉赦魏人募能斬范延光者 五
代安重誨傳曰重誨為節度使與蕃使並轡而行拍飛
鳥射之應弦而落觀者萬衆無不快忤由是名振北狄
自謂天下可以一箭而定 江南野史曰劉仁瞻猿臂
善射發無不中一旦世宗臨城下坐幄中觀戰士攻城
仁瞻自城上射之矢去御座數步輒墜左右驚愕咸諫

請少避之世宗乃遂命左右進座於墜箭之上矢復至
又遠數步而止仁瞻知之因捐弓投矢謂左右曰斯乃
天也非吾所能中之 八編類纂曰真宗咸平元年馬
軍都頭石歸宋進木羽弩箭以木為幹為翎長尺餘所
激甚遠入鎧甲則幹去而鏃留牢不可拔 玉海曰咸
平五年六月石普言能發火毬火箭上召至崇政殿試
之輔臣同觀先是開寶二年三月馮繼昇岳義方上火
箭法試之賜束帛 宋史劉錡傳曰錡善射嘗從父仲

武征討牙門水斛滿以箭射之拔箭水注隨以一矢窒
之人服其精 通鑑宋紀曰烏珠合師十二萬次於臨
潁楊再興以三百騎遇之于小商橋遂與之戰殺二千
人及萬戶薩巴千戶百人再興死獲尸焚之得箭鏃二
升飛痛惜之 又曰知徐州趙立將兵三萬趨行在杜
充承制以立知楚州金人以兵邀於淮陰立率衆逕進
轉戰四十里至楚州城下立中箭貫兩頰口不能言以
手拍麾諸軍憩歇定方拔箭出之 又曰蒙古攻安豐

杜杲繕完守禦蒙古令巴圖魯斫牌杈木巴圖魯者皆死因為之攻城以自贖杲募善射者用小箭射其目巴圖魯多傷而退 八編類纂曰唐鄧山居者以毒藥漬矢以射獸應弦而倒謂之毛胡盧元末因用其人為兵立毛胡盧萬戶府又廣西猺獞所用弩矢皆傳以藥中人濡縷即死比唐鄧者尤毒 兵略纂聞曰明太祖既定天下恐中外將士習以偷安特命兵部尚書樂韶鳳同省臺督府定教射之式各營戰陣武士必善馳射及

用刀鎗步兵比較弓矢強弱凡射十二箭內六箭遠可到近可中者為中式并定賞罰各有差 又曰永樂時交賊陳季擴反張輔討之追逼至愛子江登岸賊設象伏輔偵知令先驅曰羣象來衝一矢落象奴再矢披象鼻衆奔還自相蹂大軍乘之賊敗

矢三

原青鏃 赤莖

魏志曰挹婁在扶餘東北千餘里弓長四尺青石為鏃 下見矢一

象

星如雨

周禮鄭元注云枉矢者取名飛星飛行有光也今之飛矛是也或謂之兵矢繫矢象馬二

者可結火以射敵守城車戰漢書曰匈奴左賢王
圍李廣廣為圓陣外向矢下如雨漢兵死者過半

青莖

朱羽

上見矢一國語曰吳晉會於黃池吳王
掾甲陳卒赤旗赤羽之矰望之如火賈逵

注曰朱羽為矰

飲石

發銅

劉向新序曰楚熊渠子夜行見
寢石似伏獸射之飲羽下見

二矢

夏服

趙韞

子虛賦曰左烏號之彤弓右夏服之
勁箭史記曰魏公子無忌進兵擊

秦秦兵解去遂救邯鄲趙王及平原君自迎公子平
原君負韞矢為公子先引呂忱字林曰韞盛弩矢

貫隼

傷鳬

上見矢二焦贛易林曰雙鳬俱飛以
歸稻池經涉三澤為矢所射傷我胸臆

羊頭 鷄尾

楊雄方言曰凡箭鏃三鏃者謂之羊頭
魏百官志曰三公拜賜鷄尾散箭十二枚

金僕 石弩

左傳曰魯莊公以金僕姑射南宮長萬
杜預注曰金僕姑矢名也下見矢二

忘歸

信往

孔叢子曰楚王載志歸之矢以射蛟兕趙氏兵書曰矢一名信往

焦

銅

毒鐵

博物志曰交廣州山夷曰俚子弓長數尺箭長尺餘以焦銅為鏑塗毒藥於鏑鋒中人即

死

陳琳武軍賦曰矢則申息肅慎箇落空疏焦銅毒鐵幹鏃鳴鏃

附星

中法

春秋元命

苞曰矢附於夫星四射注曰四射四方射之也

尚書

曰垂之竹矢在東房孔安國注曰垂舜共工所為中法

既均

相屬

毛詩云敦弓既堅四鏃既鈞舍夫既均孔疏云鏃矢參停者也輕重

鈞停四夫皆然故言四鏃既鈞列子曰善射者能令後鏃中前括發發相及夫矢相屬前矢造準而無絕落

後矢之括猶銜弦視之若一馬注曰箭相連屬無絕落處前箭著物後箭復中前箭而後所湊者猶銜弦視之

如一物之相連也

藥箭

火箭

英雄記呂布將兵向莒城霸等畏布登城上以藥箭亂射

中人馬布不能拔引還下邳魏略云諸葛亮攻郝昭
於陳倉以雲梯衝車臨城中昭以火箭射之雲梯盡然
人皆徹札在弦養由基蹲甲而射之徹七札同
燒死

的

舍拔

天道同的鼃錯論材
官也詩舍拔則獲

既調

既挾

詩弓矢
既調

又詩云既挾我矢

矢窮

矢更

李陵兵盡矢窮亡矢者不
用則更注更償也用之則不

償

攢鏃

插羽

增竊二

奉一

左傳曰楚子與若
敖氏戰於皋澨伯

芬射王汰翰及鼓附着于丁寧又射汰翰以貫笠轂師
懼退王使巡師曰我先君大王克息獲三矢馬伯芬竊
其二盡於是矣鼓而進之遂滅若敖氏崔鴻三十國
春秋西秦錄曰白蘭王吐谷渾阿柴臨卒呼子弟謂曰
汝等各奉我一隻箭折之延折之又曰汝取十九隻箭折之延
取汝一隻箭折之延折之又曰汝取十九隻箭折之延

不能折柴曰汝曹知單者易折衆則難摧戮力一心然後社稷可固言終而卒

集目 著眉

左傳曰楚君以鄭故親集矢於目唐書王難得傳曰難得收京師方戰麾下士失馬難得馳救矢著眉披膚

障目乃拔箭斷膚殊死前闕血巖面不已帝嘉之

中石

遶樹

史記曰李廣夜行見石以

為虎射之中石沒鏃視之石也更射之終不能入矣列子曰飛衛學射於甘蠅諸法並善惟鏃法不教衛密

將矢以射蠅蠅齧得矢鏃射衛衛遶樹而走矢亦遶樹而射

豎箭

豎刀

晉書載記曰慕

容盛遇盜陝中盛曰我六尺之軀入水不溺在火不焦汝欲當鋒乎試豎爾手中箭百步我若中之宜慎爾命

如其不中當束身相授盜乃豎箭盛一發中之盜曰相試耳資而遣之又曰前燕慕容翰北授宇文歸既而

逃歸勁騎百餘追之翰遙謂追者曰汝可百步豎刀吾射中者汝便宜反不中可來前也追騎解刀豎之翰一

發便中刀環
追騎乃散

木箭

紙羽

北齊書郎基傳曰基字世業遷海西鎮將梁吳明徹

攻海西基糧仗皆盡乃削木為箭剪紙為羽得圍解還朝僕射楊愔勞之曰卿本文吏遂有武略木箭紙羽皆

無故事班墨之思何以相過

蒿矢

竹穎

唐書張巡傳曰巡欲射賊將尹子奇剡蒿為矢

中者謂巡矢盡走白子奇乃得其狀使南霽雲射一發中左目宋史儒林傳曰李覺倣韓愈毛穎傳作竹穎

傳以獻太宗嘉之竹穎矢也

鐵絲

雞羽

東坡詩云一隻鐵絲箭未發手先唾南蠻傳

曰其民戶出雞羽三十鏃

飛壘

飛矛

東觀漢記光武作飛壘箭攻赤眉下見前象星注

鍛矢

鏃矢

漢書曰恒山王作鍛矢膠東王作鏃矢注大鏃之矢今兵箭

貫盾

中環

吳書魯肅南徙州追騎至肅自樹盾引弓射之矢皆洞貫騎度不能制乃相率還下見前豎

刀注

狼牙

鴨背

玉海曰熙寧七年軍罷監與三衛定造狼牙箭鴨背箭請依式製之

矯箭

繫箭

漢書嚴安傳曰今天下鍛甲摩劍矯箭控弦轉粟運糧未見休時

張衡應間曰燭

武懸繩而秦伯退師魯連繫箭而聊城弛析

噉矢

電箭

詞林海錯曰班仲升出使西域

願將三十六人以為噉矢彈丸之用注噉矢先聲響箭

南史齊本記曰蒼梧王畫齊高帝腹為射的引滿將

射之左右王天恩諫曰領軍腹大是佳射壘

而一箭便死後無復射不如以電箭射之

鎖雲

連珠

謝氏詩源曰更羸善射能仰射入雲中因名箭曰鎖雲王弼州史料曰弘治中雲南曲靖衛知事

李晟上疏言邊情用為都察院照磨十五年遷鄖陽府

同知不肯行明年上疏謂臣所造兵器若連珠飛箭自

一至十自百至千銃砲自連二至排六自攢三至排六

活法輪放他如匣箭匣砲小馱車火傘飛架走戟之奇

亘古未有

乘矢

束矢

孟子曰發乘矢而後反曰束矢其搜五十矢為束

詩

筒

箭

鞭箭

通鑑曰劉巨容以宿州甬橋鎮遏使將兵討王郢筒箭長纔尺餘內之竹筒注之弦上繫

竹筒於手腕毅弓既發豁筒向後激夫射敵皆洞貫兵略纂聞曰嘉靖時馬都督芳援應州相去里所射士以鞭箭射敵敵多死視其箭短不可用以為神解圖去

匣箭

手箭

上見連珠注金史

穆延實勒哈塔傳曰實勒哈塔工用手箭箭長不盈握每用百數散置鎧中遇敵抽箭以鞭揮之或以拍鉗取飛擲數夫齊發無不中敵以為神其箭皆以智創雖子弟亦不能傳其法

原入益深

激則

遠

家語曰子路好長劍子曰以子所能加之以學豈可及乎曰南山有竹不扶自直斬而用之射達於犀革

以此言之何用學為子曰括而羽之鏃而礪之其入不益深乎淮南子云水激則悍矢激則遠夫括淇衛筍

簾飾以銀錫雖有薄縹之憾
腐荷之繒然猶不能獨穿也

增單易折 衆難摧並見

奉一

中雙鳧 貫二雕

北史賀拔勝傳曰勝從宴昆
明池時有雙鳧游池中周文

帝授弓矢於勝曰不見公射久矣請以為歡勝射之一
發俱中因拜曰使勝得奉神武以討不庭皆如此也文

帝悅因是恩禮日重 隋書長孫晟傳曰晟與汝南公
宇文神慶使突厥突厥攝舍每共遊獵見二雕飛而爭

肉因以兩箭與晟曰請射取之晟
彎弓馳往遇雕相攫一發雙貫焉 射天狼 射漢月

楚辭曰舉長矢兮射天狼
唐杜甫詩挾矢射漢月 青竹箬 赤雁翎 白居易稹

詠箭鏃詩曰矢人司職憂為箭恐不精精在利其鏃錯
磨鋒鏃成插以青竹箬羽之赤雁翎勿言分寸鐵為用

乃長兵又云胡為射
小盜此用無乃輕 大羽箭 大鏃箭 玉海曰武德
二年秦王屯

柏壁以大羽箭殪賊將又杜甫詩猛將腰間大羽箭又曰紹興十年六月上曰昨造大鐵箭用以破敵始服

其精又造銳首小槍劉錡順昌破敵用之

羶頭箭 羊頭箭

駭聞錄曰李遵懿仕偽蜀

有婦態蜀平太祖曰有此態耶以羶頭箭射之正中其腹李不動太祖曰外柔內勁授供奉官然握兵江淮號

鐵漢

方言曰箭鐵

鐵翎箭 金齧箭

通鑑元紀曰托克托至徐州

攻其西門賊出戰以鐵翎箭射托克托不為動麾軍奮擊破之遼史國語解曰太祖取天梯蒙古博囉三山之

勢于葦甸射金齧箭以識之名龍眉宮神冊三年築都城於其地臨潢府是也

原妣胡之笱

淇園之竹

周禮考工記曰妣胡之笱吳越之金錫此材之美也鄭注妣胡胡子之國在楚旁笱

矢幹也東觀漢記曰上拜寇恂為河南太守恂移書屬縣講兵肄射伐淇園之竹治矢百餘萬

董

澤之蒲

綦衛之箭

左傳云秦晉楚戰熊負羈囚智
螢以歸智莊子以其族反之廚武

子御下軍之士多從之每射抽矢箠納之厨子之房武
子怒曰非子之求而蒲之愛董澤之蒲可勝既乎杜注
曰智螢莊子之子也箠好箭也房箭舍蒲可以為箭董
澤在聞喜縣列子云逢蒙之弟子曰鴻超怒其妻而
怖之引烏號之弓綦衛之箭射其目
注眸子而睚不眦矢墜地而塵不揚

毒藥傳矢斷

木為箭

東觀漢記曰匈奴攻金蒲城耿恭以毒藥傳矢
傳語匈奴曰漢家神箭其中創者必有異因發

強弩射之虜中矢者視創皆沸並大驚續漢書云來
歎擊隄踟躕徑至略陽斬踟躕守將金梁因保其城踟大驚
曰何其神也乃悉兵數萬人圍略陽斬山築堤激水
灌城歎與將士固死堅守矢盡乃發屋斷木以為箭

養由矯矢

庾公抽矢

張華勵志詩曰養由矯矢獸號
於林蒲蘆紫繳神感飛禽

鄭

人使子濯孺子侵衛衛使庚公之斯追之孺子疾作庚公抽矢扣輪去其金發乘矢而反

白羽若

月赤羽若日

家語子路云云

增貫手及肘

中肩夾脰

左傳

曰郤克傷流血及屨未絕鼓音曰余病矣張侯曰自始合而夫貫余手及肘余折以御左輪朱殷豈敢言病吾

子忍之

又曰齊師遁晉州綽

項羽叱矢

甘蠅齧

及之射殖綽中肩兩矢夾脰

矢

漢書曰婁煩射項羽弓發矢欲到羽怒目叱夫夫乃墮地煩亦恐死下詳見上遶樹注

廻船

受矢

縛藁得箭

魏略曰權乘大船出濡須口來觀魏軍曹公使弓弩亂發矢著其船船偏

重將覆權因廻船復以一面受夫夫鈞船平乃還

唐

書張巡傳曰巡守雍丘城中夫盡巡縛藁為人千餘被

黑衣夜縋城下潮兵爭射之久乃藁人還得箭數十萬其後復夜縋人賊笑不設備乃以死士五百斫潮營軍

大亂焚壘幕
追奔十餘里

蹋鞍拔箭

沿水入箭

晉書毛寶傳曰
寶軍懸兵少罷

仗濫惡大為祖煥
桓撫所破寶中箭貫髀徹鞍使人蹋

鞍拔箭血流滿鞞
又朱脩之傳曰魯秀擊襄陽修之

發連弩射秀秀亦發連弩應
之脩之使軍人沿水拾箭

傳于突厥

集于桓鉤

唐書曰太宗討劉黑闥闥常於肥鄉列陣太宗親率左
右擊之有一突將勇壯絕人直衝太宗刃將接太宗以

天策上將大箭射之中心洞背應弦而斃遂傳此箭於
北蕃突厥見而驚歎又常輕騎近出遇三騎皆賊中驍
勇有名者舉槌而進左右請避之太宗不從待其將至
連發三矢相次皆斃敵人懾氣焉 晉語云乾時之役

申孫之矢
集于桓鉤

摩地截草

附膚落毛

括地圖曰昇年五
歲父母與入山其

母處之大樹下待蟬鳴還欲取之羣蟬俱鳴遂捐去昇
為山間所養昇年二十能習弓矢仰天歎曰我將射遠

方矢至我門止因捍即射矢摩地截草徑至羿門隨矢去十六國春秋燕書曰賈堅彎弓三百餘烈祖以堅善射親試之乃取一牛置百步上召堅使射一矢拂脊再一矢摩腹皆附膚落毛上下如一恪曰能復中乎堅曰所貴者以不中為奇中之何難一發中之堅時年六十餘矣

箭粗如笛 繩直如

矢

北史奚康生傳曰梁聞康生能引強弓特作大弓兩張長八尺中圍尺有二寸箭粗如長笛送與康生康

生集文武射之猶有餘力又楊大眼傳曰大眼少驍捷跳走如飛太和中將南伐尚書李冲典選征官大眼往求冲不許大眼曰尚書不見知下官出一技便出長繩三丈許繫髻而走繩直如矢馬馳不及見者驚歎冲因曰千載以來未有逸材若此者也

以鐵箭射

以銅鞭發

合璧事類曰錢鏐以

鐵箭射退潮頭金史強仲傳曰中京人推仲為府僉事元兵圍之兵器已盡以錢為鏃得蒙古一箭截而為

四以銅鞭發之

號駐隊矢

習鳴鏑射

宋史吳玠傳曰金人攻和尚原玠命諸將

選勁弓強弩分番迭射號駐隊矢接發不絕且繁如雨注烏珠中流天僅以身免

史記匈奴傳曰冒頓作鳴

鏑習勒其騎射令曰鳴鏑所射而不悉射者斬

無遺鏑費

與亡鏑同

賈誼過秦

論曰秦無亡矢遺鏑之費

漢鼂錯上言兵事

扣輪

去金

刮骨去毒

孟子曰抽矢扣輪去其金發乘矢而後反蜀志關羽傳曰羽嘗為流矢

所中貫其左臂後瘡雖愈每至陰雨骨常疼痛醫曰矢鏃有毒盡入於骨當破臂作瘡刮骨去毒然後此患乃除耳羽便伸臂令醫劈之時羽適請諸將飲食相對臂血流離盈於盤器而羽割炙引酒言笑自若

棘

刺捍矢短刀截矢

列子曰紀昌學射於飛衛盡衛之術乃謀殺飛衛相遇於野二人交

射中路矢鋒相觸墜於地而塵不揚飛衛之夫先窮紀
昌遺一矢既發飛衛以棘刺之端捍之而無差焉於是
二子泣而投弓相拜於塗請為父子 僉載雜俎曰隋
末有替君謨善閔目而射志其目則中目志其口則中
口有王靈智者學射於君謨久之曲盡其妙欲射君謨
獨擅其美君謨時無弓矢執一短刀箭來輒截之末後
一箭君謨張口承之遂齧其鏑於是 矢鋒相觸 箭
笑曰汝學射三年不教汝齧鏑法耳

鏑相連

上見棘刺捍矢注
騎射常握矢三十引滿以射

宋史曰太宗時康保裔善鏑相連而墜人

服其妙

張口齧鏑 貫手著禁

上見短刀截矢注
志太史慈傳曰慈常從

孫策討麻保賊賊於屯裏緣樓上行詈以手持樓禁
慈引弓射之矢貫手著禁圍外萬人莫不稱善

過山刊石

破竹滅羌

魏書曰靈丘南有山高四百餘
丈羣臣仰射山峰無能踰者文

成帝彎弧發矢出三十餘丈過山南二百三十步遂刊石勒銘語林曰宣宗幸苑中回顧仗外舍屋際有倚

竹一竿可見者止尺餘去御馬百步外遂命弓橫綜正扶矢曰朕以法制威天下而党羌窮寇敢來干我連年兵不解我今射此竹卜其濟否左右聳觀上攘袖挽弓一發洞其竹分而為二矢貫于外左右呼萬歲未踰月

羌果滅

藏之武庫

盛以錦囊

唐書劉黑闥傳曰初秦王建天策府張矢制倍

於常及劉黑闥為突厥所窘自以大箭射却之突厥得箭傳觀以為神後餘大弓一長矢五藏之武庫世寶之每郊丘重禮必陳於儀物之首以識武功五代史伶官傳晉王之將終也以三矢賜莊宗而告之曰梁我仇也燕王吾所立契丹與我約為兄弟而背晉以歸梁此三者吾遺恨也與爾三矢爾其無忘乃父之志莊宗受而藏之於廟其後用兵則遣從事以一少牢告廟請其矢盛以錦囊負而前驅及凱旋而納之以石

為鏃

以錢為鏃

孔帖南蠻盤盤以石為矢鏃下詳見上以銅鞭發注

披襟

當箭

坦腹受箭

傳燈錄曰石鞏和尚常張弓架箭以待學者忠義禪師詣之石鞏曰看箭

披襟當之鞏曰三十年張弓架箭只射得止个漢明太祖欲廢孟子祀錢唐諫太祖怒射之唐坦腹受箭祀由是得不廢

流矢蔽日

纖繳乘風

通鑑五代記曰李存審救幽州命步兵伐

木為鹿角人持一枝止則成寨契丹騎環寨而過寨中發萬弩射之流矢蔽日契丹人馬死傷塞路列子曰蒲旦子之弋也弱弓纖繳乘風振之連雙鷁于青雲之際用心專動手均也

飛矢中目

流矢貫睛

平夏錄曰徐壽輝僭大號招明玉珍歸漢陽授元帥益兵俾鎮沔陽與元將哈喇圖連戰

湖中飛矢中其右目人呼為旻眼子 弇州史料曰陳友諒欲奔武昌乃率樓船百餘艘趣南河嘴為我師所

扼遂突湖口上虜諸將邀擊之友諒在別舸中流
夫貫睛及顙而死諸將聞之大呼奮躍敵衆大潰
原

盧矢長三尺

木矢長六尺

上出三禮圖 山海經云
東海之外有大人之國郭

璞注曰晉永嘉二年有鷺鳥集於始安縣南廿里之鷺
陂中民周虎張得之木矢貫之鐵鏃其長六尺有半以
箭計之其射者人身
應長一丈五六尺也
增賜魚皮步叉 作鹿轡箭筒

魏百官名曰三公拜賜魚皮步叉一犵皮鞬一琢戴金
校步叉一金校豹皮鞬一 潛確類書舜作鹿轡箭筒

矢著身如蝟

矢集旗如蝟

唐書淮陽王道元傳曰
道元每赴敵飛矢著身

如蝟氣益厲 典故紀聞曰成祖溥沱之戰
自以數百騎突入陣矢集其旗者如蝟毛

發三矢

殺三人 發七矢斃七人

唐書薛仁貴傳曰時九姓衆
十餘萬令驍騎數十來挑戰

仁貴發三箭輒殺三人於是畏憚皆降仁貴慮為後患悉坑之轉討磧北餘衆擒偽葉護兄弟三人以歸軍中歌曰將軍三箭定天山壯士長歌入漢關唐馮盎為先鋒討羅賓諸洞撩發七矢斃七人詳見弩二

鏤姓名射晉軍

誌姓名授士卒

五代史雜傳曰陸思鐸少事梁為宣武軍

騎卒以善射知名梁晉相距河上思鐸鏤其姓名於箭苦以射晉軍矢中莊宗馬鞍莊宗拔矢見思鐸姓名奇之其後滅梁思鐸謁見莊宗出其矢以示之思鐸伏地請死莊宗慰而起之拜龍武指揮使唐書王忠嗣傳曰忠嗣召屬長付以兵使授士卒雖弓矢亦誌姓名其上軍還遺弦忘鏤皆按名第罪以是部下人人自勸

面中六矢不動

面不數矢皆斬

唐書雷萬春傳云今狐潮圍雍丘雷

萬春立城上與潮語伏弩發六矢著面不動潮疑木人謀得其實乃驚潮謂張巡曰向見雷將軍知足下軍令

矣宋史韓世忠傳曰苗傅之變世忠勤王至臨平賊將苗翊馬柔吉負山阻河為陣中流植鹿角梗行舟世忠舍舟力戰軍少却世忠復舍馬操戈而前令將士曰今日當以死報國面不被數矢者皆斬於是士皆用命賊列神臂弩持滿以待世忠瞋目大呼挺刃突前賊辟易矢不及發遂敗

潘嫗禁顯達之

鐵尚父拔丁侯之箭

南史齊陳顯達傳曰顯達出杜姥宅大戰破賊矢中左目而鐵

不出地黃村潘嫗善禁先以釘釘柱嫗禹步作氣釘即時出乃禁顯達目中鐵出之太公金匱武王伐殷丁侯不朝尚父乃畫丁侯三旬射之丁侯病遣使請臣尚父乃以甲乙日拔其頭箭丙丁日拔其目箭戊己日拔其腹箭庚辛日拔其股箭壬癸日拔其足箭丁侯病乃愈四夷聞皆懼越裳氏獻白雉

原男子

初生以蓬備禮

冰室方啓用棘除災

詳

造矢原設

羽設刃

視豐視鴻

周禮夫人為矢鏃矢三分第矢三分一在前二在後兵矢田矢五分

二在前三在後殺夫七分三在前四在後三分其長而殺其一五分其長而羽其一水之以辨其陰陽夾其陰陽以設其比夾其比以設其羽三分其羽以設其刃雖有疾風亦不憚之矣前弱則俛後弱則翔中弱則紆中強則揚羽豐則遲羽殺則趨故夾而搖之以抵其豐殺之節撓之以視其鴻殺之稱

竒欲生而

搏木不直而敗

凡相竒欲生而搏注竒幹也相擇也生無瑕處也搏圓也

漢五行志曰

木曰曲直田獵不宿宿時也飲食不享出入不節奪民農時則木不曲直失其性矣蓋工匠之為輪夫多傷敗

注輪不曲矢不直也

矢四

增飛客

吳越春秋云陳音對越王曰夫為飛客主教使也

增落飛流

馬融頌

流落石名
可為矢鏃

以蒿矢射蒿中

通鑑唐紀曰李密請往山東羣臣多諫上曰帝王自

有天命非小子所能取借使
叛去如以蒿箭射蒿中耳

契箭

又曰裴行儉襲擒那都支因傳其契

箭悉召諸部酋
長執送碎葉城

拾箭供官軍

通鑑曰唐弘夫等率兵入長安坊市民喜懼呼

出迎或以瓦礫擊賊
或拾箭以供官軍

拔矢於腦

五代史唐義兒傳曰鎮兵出掠九門李嗣

昭以騎兵擊之鎮兵且盡餘三人匿破垣中嗣昭馳馬
射之反為賊射中腦嗣昭顧蔽中矢盡拔矢於腦射殺

一
人
鏃自口出

五代史雜傳曰王殷從漢高祖討杜重威先登力戰矢中其腦鏃自口出而不

死高祖
嘉之

出兵以矢擊弦

通史外紀曰西夏國凡出兵以矢擊弦聽其聲知勝負及

敵至之期

射鬼箭

遼史國語解凡帝親征服介冑祭諸先帝出則取死囚一人置所向之方亂矢

射之名射鬼箭以被不祥及班師則射所俘後因為刑法之用

箭癥如刻畫

宋史韓世忠傳

世忠嘗中毒矢入骨以强弩刮取之十指僅全四不能動刀痕箭癥如刻畫然

箭翎一尺千

錢

通鑑宋紀曰金主亮謀南侵遣使督造兵器命諸路舊貯軍器並致于燕時又建汴宮脩燕城民不能堪

箭翎一尺至千錢村落間往往椎牛以供筋草

矢拂於額

金史本紀曰太祖伐遼宗幹與數騎

陷遼軍中太祖救之免冑戰或自傍射之矢拂於額太祖顧見射者一矢而斃

飾以金龍

金主

亮南伐至揚州出內箭飾以金龍題曰御箭繫帛書其上使人乘舟射之南岸以招諭宋人

獻二

矢

元史曰布扎爾有勇力善騎射太祖視所挾弓矢甚佳問誰為造者對曰臣自為之適有野鳬翔於前射

之獲其二并以
二矢獻而退

身不中一矢

兵略纂聞曰范雲以兵三千至寧國陷山澤中

者八日羣盜蟠結梗道雲操戈鼓噪出
入營壘間斬首千百計而身不中一矢

鏃出腦後又

傅友德從征武昌城東南有高冠山下瞰城中上顧諸
將誰能奪此友德即率萬人先登一鼓奪之流矢中頰
鏃出腦後復
洞脇不為阻
囊突箭其人止發一根今推廣
之可增百根且遠及百步之外

囊突箭

王弼州史料曰弘治中雲南曲靖衛知事李晟上疏言雲貴有

矢五

增賦晉潘岳射雉賦曰昔賈氏之如臯始解顏于一箭
醜夫為之改貌憾妻為之釋怨 周庾信哀江南賦曰

兩觀當戟千門受箭白虹貫日蒼鷹擊殿

增詩唐明皇詩曰月兔落高增星狼下急箭 又李嶠

詠箭詩曰漢甸初收羽燕城忽解圍影隨流水急光帶

落星飛夏列三成範堯沈九日輝斷蛟雲夢澤希為識

亡歸 李賀長平箭頭歌曰漆灰骨末丹水沙淒淒古

血生銅花白翎金鏃雨中盡直餘三脊殘狼牙 杜甫

詩曰青海無傳箭天山蚤挂弓 明劉基錢王箭頭篇

曰鴟夷遺魂扣餘怒欲取吳山入江去雷霆劈地水羣

飛海門扶胥沒氛霧英雄一怒天可回肯使赤子隨鮫
鮎指揮五丁發神弩鬼物辟易腥風開三百年來人事
改濤落沙平箭空在石梁飲羽未足誇蜀國三屏漫欺
紿近聞黃河水亂流青徐一半悲魚頭安得壯士斡地
軸為拯斯民塗炭憂 又謝應芳石箭頭歌并序吳人開
渠自望亭通漕湖多得石箭頭長洲徐伯昂持以見遺
請為賦詩南山爛盡蒼雲根飄風勢欲傾崑崙老若作
鏃幾千載神鑊鬼削秋無痕沈沙不隨戈戟折太陰元

精壯冰結五丁手抉出重泉猶帶堯時九鳥血鵠鷗驚
破膽罔兩走折足獨有老於菟坐嘯風滿谷猿臂將軍
骨已枯蒼頭廬兒金僕姑時乎時乎柰爾若

原贊梁昭明太子弓矢贊曰弓用筋角矢製良工亦以
觀德非止臨戎楊葉命中猿墮張空

原銘後漢李尤弧矢銘曰弦木為弧剡木為矢弧矢協
并八極同紀 晉江統弧矢銘曰幽都筋角會稽竹矢
率土名珍東南之美易以獲隼詩以殪兕伐叛柔服用

威不墜

增奏後魏書曰世宗幸鄴還於河內懷界帝親射夫一
里五十餘步侍中高顯等奏曰伏見親御弧矢臨原弋
遠弦動羽馳矢鏃所逮三百餘步臣等伏惟陛下聖武
自天神藝夙茂巧會騶虞之節妙盡矍圃之儀威稜攸
疊魑兇懾氣才猛所振勅懋弭心足以肅截九區赫服
八字矣盛事奇迹必宜表述勒銘射宮永彰聖藝



御定淵鑑類函卷二百二十六

欽定四庫全書

子部

御定淵鑑類函卷二百二十七

詳校官內閣學士臣尹壯圖

主事臣祁韻士覆勘

總校官檢討臣何思鈞

校對官中書臣陸湘

膳錄監生臣范墉

欽定四庫全書

御定淵鑑類函卷一百二十七

武功部二十二

牙

旌旗

旄

旛

牙一

原兵書曰牙旗者將軍之精凡始豎牙必以剛日剛日者謂上剋下也立牙之日吉氣來應大勝之徵抱朴子曰軍所始舉牙立旗風氣和調幡校飄飄終日不息者其軍有功也又曰凡始出軍豎牙春出城西門令

牙門西向出時令登明大吉加東方吉夏出北門令牙
門北向出時令登明大吉加南方吉秋出東門令牙門
東向出時令神后登明大吉加西方吉冬出城南門令
牙門南向令神后登明大吉加北方吉 黃帝出軍訣
曰始立牙之日旗旛指敵或從風而舉暉暉終日不絕
繞竿勇氣奔逸是謂堂堂之陳正正之旗此大勝之徵
又曰將軍引兵出城門望見白雲及白水者舉白牙
旗赤雲舉赤旗五色牙旗隨天氣四時 又曰有所攻

伐作五采牙幢青牙旗引住東赤牙旗引住南白牙旗
引住西黑牙旗引住北黃牙旗引住中 又曰黃龍牙
旗者一軍之候也 禮含文嘉曰牙旗者將軍所建也
增真人水鏡經曰凡軍始出立牙竿必令先堅若有
折將軍不利牙旗竿軍之精也即周禮司常職云軍旅
會同置旌門是也 尚書曰門旗二口八幅色紅大將
牙門之旗出引將軍前列

牙二

原吳志曰陸遜為右都督會丹陽賊帥費棧扇動山越

權遣遜討棧棧支黨多所往兵少遜乃益施牙幢分付

鼓角夜潛出谷間鼓噪而前應即破散 又曰賀濟從

孫權征合肥時城中出戰徐盛被創失牙濟引兵拒擊

得盛所失 魏志曰典韋初平中張邈舉義兵韋為士

屬司馬趙寵牙門旗長大人莫能勝韋一手建之寵異

其才力 增通鑑曰突厥立劉武周為定楊可汗遺以

狼頭纛

隋書曰突厥本狼種牙門建狼頭纛示不忘本也

唐書田承嗣傳曰

擇樞秀強力者萬人號牙兵

牙三

增梟鳴 龜見

晉書曰謝艾討麻秋梟鳴牙中艾曰梟

志曰德陽有龜勝山唐高崇文討劉闢駐兵于此有龜見於牙旗是日大勝命投于澗中明日復至人以為蜀

降之兆蓋蜀有龜城云

臨戎折 觸門墮

晉書陸機傳曰成都王穎假機後將軍討

長沙王乂始臨戎而牙旗折意甚惡之後戰果軍大敗唐書哥舒翰傳曰翰守潼關師始東先驅牙旗觸門

墮注旗干折衆惡之

牙干折 牙帳破

唐書哥舒曜傳曰李希烈陷汝州詔拜曜東都

汝州行營節度使及行帝祖通化門是日牙干折時以翰出師已如此而斬持旗者卒以敗今曜復兩人愛之

唐書突厥傳曰武德元年骨咄祿特勒來朝帝宴太極殿為奏九部樂引升御座是歲始畢牙帳自破帝問內史令蕭瑀瑀對曰魏文帝幸許城門無故自壞是年文帝崩豈其類耶

牙四

增獨給十二牙旗

後魏書曰奚斤代人也自魏初大將行師唯長孫嵩拒劉裕及斤征河南

獨給漏刻及十二牙旗

箕宿禡牙

唐杜牧賀平党項表曰潛運審箕獨決神機箕宿禡牙狼

星斂角戌日禱馬太白揚眉

奪其纛而舞

通鑑宋紀曰都統制王彥率岳飛等一十將部

七千人渡河至新鄉金兵盛彥不敢進飛獨領所部鏖戰奪其纛而舞諸軍爭奮遂復新鄉

牙五

原賦吳胡綜大牙賦黃武七年黃龍見夏口孫權稱尊
號因瑞改元作黃龍大牙常在軍中進退視其所向命
綜爲賦曰狼狐垂象實惟兵精聖人觀法是效是營始
作器械爰求厥成明明大吳實天生德乃律天時制其
神軍取象太乙五將三門疾則如電遲則如雲進止有
度約而不煩四靈既布黃龍處中周制日月實曰太常
傑然特立六軍所望仙人在上鑒視四方神實使之爲
國禎祥 文選曰牙旗繽紛

增詞詞林海錯曰古詞鐵馬牙旗穿夜市

增記唐劉禹錫管城新驛記曰庭容牙節示禮而不恩也

原祭文後漢滕輔祭牙文曰恭修太牢潔薦遐靈推轂之任實討不庭天道助順正直聰明敬建高牙神武攸託雄戟推鋒龍淵灑鏑 晉顧愷之祭牙文曰維某年某月日錄尚書事豫章公裕敢告黃帝蚩尤五兵之靈兩儀有政四海有王奉命在天世德重光烈烈高牙闐

闐伐鼓白氣經天簡揚神武恭行帝罰長殲醜虜維德
是仗維人是輔 宋王誕伐廣固祭牙文曰敬建崇牙
顯茲威靈鳴金輟釁無戰有寧皇風幽被凱旆歸旌

鄭鮮之祭牙文曰潔牲先事薦茲敬祭崇牙既建義鋒
增厲人鬼一揆三才同契惟茲靈鑒庶必有察逆順幽
辨忠孝顯節使凶醜時殲主寧臣悅振旅上京凱歸西
蕃神詔增輝四境永安 唐陳子昂禡牙文曰蓋先王
作兵以討有罪奸慝竊命戎夷不戢則必肆諸市朝大

戮原野皇家子育萬國寵綏百蠻青雲干呂白環入貢
久有年矣契丹凶羯敢亂天常乃蜂聚丸山豕食遼塞
宴安鳩毒作為橈槍天厭其凶國用致討皇帝命我肅
將王誅今大軍已集吉辰叶應旄頭首建羽旆前列夷
貊感威將士聽誓方候天命為民殄災惟爾有神尚殲
乃醜召太一會雷公翼白虎乘青龍星流彗埽永清朔
裔使兵不血刃戎夏大同以昭我天子之德允乃神之
功豈非正直克明無縱大讐以作神羞 增唐柳宗元

馮牙文曰惟爾有神懋揚廼職敢告無縱詭類無劉我
徒鏃刃鋒鋦畢集于凶躬鎧甲干盾咸完於義軀焚煬
蕩沃往如行虛 柳宗元祭纛文曰惟昔禮有大特化
為巨梓秦人憑神乃建葺頭是為兵主用以行師漢宗
蚩尤亦作靈旗既類既禡指于有罪北面詔盟抗侯以
射

旌旗一

原初學記曰釋名曰旌精也言其有精光也旗期也言

與衆期于下也按列子黃帝與炎帝戰以雕鶚鷹鳶為
旗幟蓋旌旗之始也周官司常掌九旗之物名各有屬
以待國事日月為常交龍為旂通帛為旃雜帛為物熊
虎為旗鳥隼為旟龜蛇為旐全羽為旟析羽為旌龍旂
九旂以象大火也鳥旗七旂以象鶉火也熊旗六旂以
象伐也龜蛇四旂以象營室也弧旌枉矢以象弧也

釋名

曰九旗之名日月為常畫日月於其端天子所建言常
明也交龍為旂旂倚也畫作兩龍相依倚通以一赤色
為之無文采諸侯所建也通帛為旃旃戰也戰戰恭已
而已三狐所建象無事也熊虎為旗旗期也言與衆期

于下軍將所建象其猛如熊虎也鳥隼為旗旗譽也軍
吏所建急疾趨事則有稱譽也雜帛為物一作旂以雜
色綴其邊為燕尾將帥所建象物雜也龜蛇為旐旐兆
也龜知氣兆之吉凶建之于後察度事宜之形兆也全
羽為旟旟順滑貌析羽為旌注旌竿首

又廣雅云天子之旌高九仞諸

侯七仞大夫五仞士三仞則禮含文嘉曰天子之旗九
仞十二旒曳地諸侯七仞九旒齊軫卿大夫五仞七旒
齊較士三仞五旒齊肩是也 增司馬法曰旂夏后氏
元人之執也殷白天之義也周黃地之道也 吳子曰
敵人之來蕩蕩無慮旌旗煩亂人馬數顧一可擊十必

使無措 黃公三略曰欲敵形色可勝之符先戰以二

十八騎角人青衣赤旗東方七人徵人赤衣黃旗南方
七人商人白衣黑旗西方七人羽人黑衣青旗北方七
人凡二十八騎象二十八宿 尉繚子曰自尉吏而下
盡有旗戰勝得旗者各視其所得之爵以明賞勸之心
宋書輿服志曰五旗者五色各一旗以木牛承其下
蓋取負重而安穩也五旗纏竿即禮記德車結旌不盡
飾也戎事乃散之又武車綏旌垂舒之也 隋書盧賁

傳曰高祖受禪命賁清宮因典宿衛賁奏改周代旗幟
更為嘉名其青龍騶虞朱雀元武千秋萬歲之旗皆賁
所制也 隋書禮儀志曰凡旗太常畫三辰旂畫青龍
旗畫朱雀旌畫黃麟旗畫白獸旒畫元武皆加雲其旛
物在軍亦書其事號加之以雲氣徽幟亦如之旌節又
畫白獸而析羽于其上 又曰司常掌旗物之藏通帛
之旗六以供郊丘之祀一曰蒼旗二曰青旗三曰朱旗
四曰黃旗五曰白旗六曰元旗畫績之旗六以充玉路

之等一曰三辰之常二曰青龍之旂三曰朱雀之旗四
曰黃麟之旗五曰白獸之旗六曰元武之旐皆左建旗
而右建闌戟又有繼旗四以施軍旅一曰麾以供軍將
二曰旒以供師帥三曰旐以供旅帥四曰旂以供倅長
唐李靖問對曰臣參用古法凡三隊合則旗相倚而
不交五隊合則兩旗交十隊合則五旗交吹角開五交
之旗則一復散而為十開二交之旗則一復散而為五
開相倚不交之旗則一復散而為三 李靖兵法曰諸

軍將五旗各準方色赤南方火白西方金皂北方水碧
東方木黃中央土土則不動用為四旗之主而大將將
動持此黃旗於前立如東西南北有賊各隨方色舉旗
當方面兵急須裝束旗向前亞方面兵急須進旗正豎
即住卧廻審細看大將軍所舉之旗須依節度諸每隊
給一旗行則引隊住則立於隊前 萬花谷曰旗之制
三十有二其大總管一曰青龍旗二曰白獸旗三曰朱
雀旗四曰元武旗五曰黃龍負圖旗六曰應龍旗七曰

龍馬旗八曰玉馬旗九曰鳳凰旗十曰鸞旗十一曰鷄
鷄旗十二曰太平旗十三曰麒麟旗十四曰飛麟旗十
五曰飛黃旗十六曰馱馱旗十七曰白澤旗十八曰五
牛旗十九曰犀角旗二十曰金牛旗二十一曰兕旗二
十二曰三角獸旗二十三曰角端旗二十四曰吉利旗
二十五曰驪騮旗二十六曰騶牙旗二十七曰黃鹿旗
二十八曰白狼旗二十九曰赤熊旗三十曰辟邪旗三
十一曰苴文旗三十二曰白刃旗

唐書禮樂志軍禮

曰仲冬講武大將被甲乘馬教習士衆長者持弓矢短者持戈矛力者持旌勇者持鉦鼓刀楯為前行持稍者次之弓箭者為後使其習見旌旗金鼓之節旗卧則跪旗舉則起 又百官志曰節度使初授詣兵部辭見觀察使亦如之辭日賜雙旌雙節行則建節樹六纛 宇文懋昭金志曰金國以水德王用師行征旗皆尚黑雖五色皆具必以黑為主尋常車出入只用一日旗與后同乘則加月旗二相間而陳或數百隊或千餘隊日旗

即以紅綃為日刺於黃旗上月旗即以素帛為月刺於紅旗上近御則又有日月大繡旗二如大禮祫享冊封一循古制旗無大小皆循焉然五方五星五嶽青龍白虎朱雀元武神鳳外又有五星聯珠一日月合璧一象二天王二海馬二鷹隼二太白三近御又張一大旗其制極廣錯綜神物以猛士執之傍有數十人護之各施大繩以備風勢名之曰蓋天 明華鈺海防議曰鉤旗杆長丈許用布五六幅縫紉為旗周匝綴利鉤每遇對

敵橫舉陣前衆兵排列於後五步之內旗開而兵器隨之以出飛舞招颭矢石不能入又足以牽挽敵人衣裾使不得運用大率一旗可蔽數十人

旌旗二

增左傳曰鄢陵之役欒鍼見子重之旌請曰楚人謂夫旌子重之麾也彼其子重也請攝飲焉又曰楚靈王之為令尹也為王旌以田芊尹無宇斷之曰一國兩君其誰堪之漢武故事曰欒大有方術常於殿前樹旌

數百因命自相擊庭中去地十餘丈觀者大駭 唐書

曰元和中淮南節度使馬總進吳元濟旌旗七百三十

九事 唐書李光弼傳曰光弼執大旗曰望吾旗麾若

緩可觀便宜若三麾至地諸軍畢入生死以之退者斬

又曰光弼麾旗三諸軍爭奮賊衆奔敗 又程知節

傳曰知節從破宋金剛等寨旗先登者不一 又裴行

儉傳曰突厥阿史德溫傳反詔行儉討之總三十餘萬

旗幟亘千里行儉咸節制之 通鑑唐紀曰朱延壽制

軍中每旗二十五騎命黑雲隊長李厚將十旗擊汴兵
不勝延壽將斬之厚稱衆寡不敵願益兵更往不勝則
死都押牙汝陽柴再用亦為之請乃益以五旗厚殊死
戰再用助之延壽悉衆乘之汴兵敗走 又曰張全義
為河南尹時亂離之後四野俱無耕者全義乃於麾下
選十八人材器可任者人給一旗一膀謂之屯將使詣
十八縣故墟落中植旗張榜招懷流散勸之樹藝惟殺
人者死餘但笞杖而已無嚴刑無租稅民歸之者如市

又曰氏叔琮攻李克用不能下會大疫叔琮引兵還

嗣昭與周德威將兵追之及石會關叔琮留數馬及旌
旗於高岡之巔嗣昭等以爲有伏兵乃引去 又曰張
元稹謀歸國遣腹心張皋夜出以狀白承訓約期將舉
城降至日請立青旗爲應使衆心無疑 五代史長從

簡傳曰莊宗與梁軍對陣梁軍有執大旗出入陣間者
莊宗望見之歎曰彼猛士誰能爲我取之從簡請前往
莊宗不許從簡潛率數騎馳入梁軍奪其旗而還軍中

皆鼓噪莊宗壯之 通鑑宋紀曰契丹兵十萬寇雁門

楊業擊之契丹兵大敗自是契丹畏業每望見旌旗即

引去 文昌雜錄曰淳化中有司言油衣帝幙損弊者

萬數欲毀棄詔令煮而浣之命尚方染以雜色刺為旗

幟焉 金史曰金主亮南伐率舟師自和州濟江金主

置黃旗紅旗於岸上以號令進止紅旗立則進黃旗仆

則退 通鑑元紀曰董搏霄還軍守於潛賊兵大至焚

倚郭廬舍搏霄按軍不動遣人執白旗登山望賊約曰

賊以我怯必少懈伺其有隙則麾所執旗又伏兵城外
皆授以火礮復約曰見旗動礮即發已而旗動礮發兵
乃盡出遂復千秋關 拊膝錄曰靖難兵起宋忠率兵
三萬至居庸關不得進退保懷來忠初謂諸將士曰爾
等家在北平者並為燕所誅滅盍努力復家讐報國恩
燕王獲謀者聞之乃命其家人張其舊用旗幟為前鋒
衆遙識旗幟及識其父兄子弟無恙因叛降燕 弇州
史料曰北邊報警湖廣襄陽縣冠帶官張一中上疏請

易旗號盔甲皆為黃色曰黃為中央之土以剋北方之水
幟附詞林海錯曰拔趙幟立漢幟淮陰用以破趙
矣光武時李寶拔赤眉旌幟更立己幟逢安等戰欲還
營見旗幟皆白衆大驚潰自投川谷事頗相類 唐書
高麗傳曰太宗進攻白崖城其酋孫伐音陰丐降然城
中不能一帝賜幟曰若降建於堞以信俄而舉幟城人
皆以唐兵登矣乃降 兵略纂聞曰戚繼光征倭寇軍
中立一白幟凡脅從者空手伏幟下悉放還毋為賊樹

黨也 又曰倭寇淮揚劉顯禦之執一幟以號于衆曰

汝官軍有能敢勇殺賊樹功勲者立此幟下得三百人

又曰茅坤僉憲廣西時猺獞殺陽朔令坤計討之於
所過道輒幟而榜曰軍門進十萬兵討某砦之殺陽朔
令者他砦毋動動則移兵先滅之我師實不過五千諸
夷見旗幟彌山谷且怵於榜皆蟻伏毋敢動連破十七
砦 又曰侯應爵補羅定僉事猺兵起會行部西寧謀
者踵至從卒不踰二百餘公陰令斬竹千竿裂繒衣為

幟令男婦晨起藁食登城立幟闔三門一門半闕疏隊
而出賊遙望莫測多寡迨賊薄城下見赤幟耀日若大
兵從天而降三鼓賊遁去 又曰宣寧侯曹良臣守通
州故元丞相也速侵通州衆號萬餘營白河時城兵僅
千人良臣遣指揮仵勇陳泰等沿河舟中樹赤幟亘三
十里鉦鼓之聲相聞也速以援兵至遂引退 又曰都
督劉寧鎮甘肅時嘗繹古番上之法以五十人為隊隊
五重為陣建五色幟又各建五巨幟于中軍中幟出則

同幟應之循環無端每戰用是取勝

旌旗三

原更

設

周禮歲時共更旌取舊與新建旒設旌

招虞

警衆

孟子曰齊景公

招虞人以旌不至將殺之禮記曰前有水則載青旌鄭元注曰載所謂舉於旌首所以警衆者也

舉

皮

析羽

鄭記王贊問曰舉於旌首當皆以皮邪畫之也鄭荅曰皆俱舉皮置於首不畫周禮曰

析羽為旌

舉青

尚黑

軍令曰聞雷鼓音舉白幢綠旗大小船皆進戰不進者斬聞金音舉

青旗船皆止不止者斬史記曰秦并天下以水德之始於旌節旗皆尚黑

翼明

鳥集

天文要集曰翼星明旌旗用趙氏兵書曰有鳥集將軍旌上將軍增秩祿

表門

設道

周禮曰掌舍為帷宮設旌門注曰樹旌以表門漢書文帝詔云朝有進善之旌應劭注曰堯設之五達之道

令人進善也

在浚

沿河

毛詩曰子子千旌在浚之城後魏書曰太祖進師臨河連旌

沿河千餘里

九名

五法

上詳前叙汝帝之五旗河圖風后曰予告東方方法青龍曰旗

南方方法赤鳥曰旐西方方法白虎曰旗北方方法元蛇曰旂中央方法黃龍曰常

九仞

六旂

並詳

見前叙

翠鳳

元蛇

史記李斯上書曰今陛下建翠鳳之旗樹靈鼉之鼓下詳五法注

法鳥

擬虹

上詳五法注王沈錢行賦曰曳招搖之脩旗若蜿蜒虹之垂天

喜光

勝氣

郝萌占曰旗上有光人主大喜延年益壽下見牙一

設黃

尚赤

周禮

車服雜記曰晉元皇始制五牛之旗設青在左黃在右中史記曰沛公祠黃帝蚩尤於沛庭旗幟皆尚赤

五牛

四獸

上詳設黃注
武左青龍而右白虎

禮記曰行前朱雀而後元

陣象天也

駭軍

拍敵

詩雅度災曰上出號令而化天下
震雷起而驚蟄睹旗鼓動三軍駭

觀其前動化而天情可見矣
下詳見牙一

注旂

繞竿

爾雅注云折羽而注於旂竿之

首曰旌

抱朴子云軍始出而旌

九旒

五色

禮記曰龍

旂九旒天子之旌也
周禮曰析羽為旌游車所
建注曰游車木路也王以田也
析羽皆五色文也

告

善

飾香

管子云舜有告善之旌而主不蔽也
楚辭云蓀橈兮蘭旌注曰蘭為旌旗動以香潔自

修飾也蓀一作荃

鳧羽

翠羽

周書云樓煩黑旌鳧羽旗也
楚辭云孔蓋兮翠旌登九

天兮撫彗星注云言司命以孔雀之尾
為車蓋翡翠之羽為旌旗言殊飾也

蔽日

蔽天

又曰旌蔽日兮敵若雲矢交墜兮士爭先
王昶檄江南文云鳴震霆之鼓樹蔽天之旌

威夷

聯翩

楚辭云駕八龍兮連蜷建虹旌兮威夷
張華劉驃騎誄曰旌聯翩以飄飄

雲

曳星

後漢書光武贊曰長轂雷野高旗彗雲英雄既振
新都是焚揚雄羽獵賦云靡日月之朱竿曳彗

星之
飛旗

畫星

蔽日

禮記曰招搖在上急繕其怒鄭注
云急猶堅也繕讀曰勁又畫招搖

星於旌旗上以起居堅勁軍之威怒象天帝也招搖星
在北斗柄端主指者戰國策曰楚王遊于雲夢結駟

千乘旌
旗蔽日

三辰

七星

左傳云三辰旂旗昭其明也
穆天子傳曰日月之旗七星之

文注曰今旒上畫
日月及北斗星也

守城

拽地

墨子曰守城之法木
為蒼旗火為赤旗金

為白旗土為黃旗水為黑旗戟為林旗劍為羽旗騎為
鳥旗輿為龍旗新序曰芊尹文者荆之歌歐鹿彘者

也司馬子期獵於雲夢載青旗之長拖地芊尹文拔劍
齊諸軫而斷之貳軍抽弓于韋援矢于箛引而未發也
司馬子期伏軾而問曰吾其有罪於夫子乎對曰臣以
君旗拽地故也國君之旗齊于軫大夫之旗齊于軾今
子荆國有名大夫而滅三等文之斷也不亦可乎子期
悅載之王所王曰吾聞有斷子之旗者其人安在吾將
殺之子期以文之言告王

天賜

天給

隨巢子曰天賜武王黃鳥

之旗以伐殷抱朴子云武王將興天給之旗

獲蠶

升華

左傳曰鄭人擊簡子中肩斃于

車中獲其蠶旗崔駰東巡頌曰升九龍之華旗又西都賦云張鳳蓋建華旗

蜚弧

姑蔑

左傳曰鄭伐許穎考叔取鄭伯之旗蜚弧以先登注云蜚弧旗名又曰越子伐吳王孫彌庸見姑蔑之旗曰

吾父之旗也不可以見讐而弗殺也案姑蔑越地彌庸父為越所獲故姑蔑人得其旌旗

五旗

九旂

曹植擬楚辭云建五旗分華采占揚雲麾兮隊龍鳳管子曰葵邱之會天子使大夫宰孔致胙于

桓公曰天威不遠顔咫尺遂下拜登受賞服大路龍旗九旂渠門赤旂案渠門旂名

拂天

蟠地

文選旂旗拂天家語旂旗繽紛下蟠于地

紀功

招士

書厥有成績紀于太

常王之旗也畫日月有功者紀之旂表也田蚡立曲旂注禮孤卿建旂曲者柄木曲許慎曰旂曲把旗以招

士也
爲章

頌物

禮以爲旂章周禮頌旂物

揭竿

置門

漢書陳勝揭竿

爲旂揭堅也王祭祀則置旂門

有翩

不利

楚辭旂旒有翩楚其旗不利行師

火

就卷

啓行

文選虹旂攝麾而就卷以先啓行

悠悠

搖搖

詩悠悠旂

旌楚王曰寡人之心搖搖然如懸旌

亡旂

反旂

初瞞亡大旂之左旂因風失之今

尹南轅反
旆將歸也

艾旗

塞旗

艾胡鮮之旗

軍容

戎事

增

照日

相風

唐書馬璘傳璘從李光弼攻洛陽史朝義衆十萬陣北邙山旗鎧照日開元遺事

曰五王宮中立長竿掛五色旌以候風名相風旌

載雲

揚旻

楚辭曰乘迴風兮載雲旗

又曰揚旻星以爲旗

結桂

建羽

又曰乘赤豹兮從文狸辛夷車兮結桂旗宋玉高

唐賦忽兮若駕駟馬建羽旗

白鵲

蒼鳥

李白詩梟首當懸白鵲旗蒼鳥旗見唐書儀

衛志被羽

裂裳

後漢書賈復傳復被羽先登注被負也析羽爲旌將軍所執晉紀論脫

未爲兵裂裳爲旗

赤熊

黃鹿

駃騠

驪騮

玉馬

金

牛

俱旗名見唐書儀衛志

捲雪

掣雲

李白詩雲旗捲海雪岑參詩大將龍旗掣海

雲

甘露

祥雲

馴犀

野馬

俱旗名見金史儀衛志

原賜

黃鳥

法青龍

墨子曰赤鳥銜書降曰命周文王伐殷天賜武王黃鳥之旗

下詳五法注

象六星

建七星

周禮鄭注熊虎為旗師都之所建伐屬白虎宿與參連體而六星

戰國策云建七星之旗天子之位也

置九章

司五星

管子云九章置則兵治士勇矣

一曰舉日章則晝行二曰舉月章則夜行三曰舉龍章則水行四曰舉虎章則林行五曰舉鳥章則行阪六曰舉蛇章則行澤七曰舉鵠章則行船八曰舉狼章則行山九曰舉韜章則載食而駕春秋元命苞曰離位有九星句曲一處一為天旗司五星之處日月之過熒惑守之日食星墜天下亂注曰天旗參旗也參旗色明於常則日月五星亦變為色應之若熒惑守之不寤則將有日食星墜為篡殺之先徵

分物采

表貴賤

傳分之物采言旌旗各有分制又舉其表旗謂旌旗以表貴賤也

投衛出

內弋去

晉人車不能進楚人憇之拔旆投衛乃出楚戰鄢陵鄭石首御成公曰衛侯不去其旗

是以甚敗乃內旌於弋中皆為車重去之

增旌捲雲旗掩月

李白詩曰蜺旌捲夜

雲旗掩月杜甫朝獻太清宮賦

掠商布裂衺衣

弇州史料曰高帝取洪都降其

丞相胡廷瑞平章祝宗同僉康泰等宗泰初不欲降舟次女兒港遂謀叛掠商舟布為旗幟夜趣新城門舉礮破之而入又曰萬厯中浙江兵變命司馬張公肖甫鎮之未幾而民復變公談笑自如以五月朔抵臺治事而諸亡賴嘯聚益衆盡毀諸柵及他麗譙揭長竿裂所掠衺衣幟之裒白刃而嚮臺者可二千餘

原

游車載旌

德車結旌

說文云游車載旌析羽注旌首所以精進士卒也禮記鄭注

曰結謂收斂之也德車乘車也

仲秋辨物

吉日以受

周禮大司馬職云仲秋教

治兵如振旅之陳辨旗物之用詳講武淮南子曰凡國有難將軍受命乃令祝史太卜齋宿三日之太廟鑽

靈龜卜吉日以受鼓旗詳將帥

素錦綢杠

明珠綴飾

爾雅云素錦綢杠注曰錦

鞬旗之竿也

司馬相如子虛賦曰駕馴駘之駟乘雕

王之輿廉魚鬚之撓旗拽明月之珠旗注曰魚鬚竿也

旗亦旗也撓弱也珠

旗以明月珠飾旗也

前指勝徵

相繞敗象

抱朴子曰軍始

發大風甚雨起於後旌旗前指金鼓清鳴大勝之徵又曰軍始發若旌旗亂而相繞逆風暴雨敗之象也

右白左蒼

後黑前赤

尉繚子曰左將蒼旗卒載蒼羽右將白旗卒載白羽中使黃旗

卒載黃羽

黃帝兵法云敵人從中軍突出應之以左

部青旗敵從離方來應之以後部黑旗敵從巽方來應

之以右部白旗敵從乾方來應之以中部黃旗此天道之勝也

韓信

拔趙

耿弇據城

漢書云韓信擊趙信建大將旗鼓趙

走水上軍復疾戰趙空壁爭漢旗鼓逐信耳信耳已入水上軍軍皆殊死戰不可敗信所出奇兵二千騎者候

趙空壁逐利即馳入趙壁皆拔趙旗幟立漢赤幟二千趙軍已不能得信耳等欲還歸壁壁皆漢赤幟大驚以

漢為皆已破趙軍

東觀漢記曰耿弇追張步步奔平

壽乃肉袒附斧鑕於軍門而弇勒兵入據其城樹十二

郡旗令步兵各以郡人詣旗下衆尚十餘萬輜重七千餘輜皆罷遣歸鄉里

衛侯不去

李陵盡埋

左傳云狄人伐衛戰于熒澤衛師敗績滅衛衛侯不去旗是以甚敗李陵別傳陵與單

于戰矢盡軍吏持尺刀抵山入陘谷單于遮其後乘隅下壘石士卒多死不得行陵曰吾不死非壯士也於是

盡斬旌旗及珍寶埋地中陵歎曰復得數十矢足以脫
矣今無兵復戰天明坐受縛矣夜半虜騎數千追之陵
遂降
熊虎之制 龍蛇之章 增取于幕下 出于寢

室

左傳曰公孫龐以徒五百人宵攻鄭師取螭旗于子
姚之幕下 通鑑唐紀曰田頔攻常州為地道入城

中宵旌旗兵甲出于
制置使杜稜之寢室

周七十里 亘二百里

唐書嚴挺之傳

曰挺之從孫綬自河東司馬進司空在鎮九年士馬孳
息嘗大閱旗幟周七十里 唐書哥舒翰傳曰安祿山

反召翰守潼關師始東先驅牙旗觸門墮注旄于折衆
惡之天子御勤政樓臨送詔翰以軍行過門毋下旌旗

亘二百里

麾五色旗

製五色旗

紀聞曰狄青與智高遇
於歸仁鋪青登高執五

色旗麾騎馬為左右翼斷蠻軍為三槓立如束蠻軍大
敗 兵略纂聞曰都督石邦憲討湖廣潯浦縣徭賊令

製五色旗各百面立五營

以岳為號

以佛為稱

通鑑宋紀曰岳飛破烏珠於朱

仙鎮兩河豪傑李通等率衆歸飛金人動息山川險要一時皆得其實中原盡磁相開德澤潞晉絳汾隰之境皆約日興兵與官軍會其所揭旗以岳為號又曰慶歷六年貝州卒王則反旗幟號令率以佛為稱

君王萬歲

天下太平

日月合璧

五星連珠

以上俱旗

名見金史儀衛志

原繞竿者要戰

自解者有救

黃帝出軍訣云軍始

發旌旗繞竿者敵人于路要戰宜急住更作善算而不可徑前也又曰旌旗旣已繞竿尋自解者有救

增杖白旗誓衆

建朱旗望賊

唐書曰隋煬帝十三年七月高祖杖白旗

誓衆于野有兵三萬通鑑唐紀曰賊將周摯捨南城併力攻中渾光弼命荔非元禮出勦卒于羊馬城以拒

賊光弼自于城東北隅建小朱旗以望賊

揭山東魏勝

書精忠岳飛

宋史

魏勝傳曰勝善用大刀能左右射旗揭曰山東魏勝金人望見即退走勝為旗十數書其姓名密付諸將遇鏖戰即揭之金兵悉避走入見高宗帝手書精忠岳飛字製旗以賜之立旗為

軍門

張旗為虛寨

後漢書岑彭傳注曰中將軍最尊自執旗鼓若置營則立旗以為軍

門并設鼓戢人必于其下通鑑唐紀曰李神福攻臨安久不拔欲歸恐為鏐所邀乃遣人守衛鏐祖考丘壘禁樵采又使顧全武通家信鏐遣使謝之神福於要路多張旗幟為虛寨鏐以為淮南兵大至遂請和神福受其犒賂而還原聞五鼓音舉黃旗聞九鼓音舉絳旗軍令

前有塵埃則載鳴鳶

前有車騎則載飛鴻

禮記注曰鳶鳴

則風生風生則塵埃起
禮記鄭注曰鴻取飛有行列也

前有摯獸則載貔貅

前有士師則載虎皮

禮記鄭注云貔貅亦摯獸也書曰如虎如貔又云士師兵象也

衛不去旗懲其甚敗 晉能拔旆謂以數奔 增引

舒州兵建廬州旗

取萬勝旗付虎翼軍

通鑑唐紀曰高渡知舒州

事羣盜陳儒攻舒州渡求救於廬州楊行愍力不能救
謀於其將李神福神福請不用寸刃而逐之乃多齎旗
幟間道入舒州頃之引舒州兵建廬州旗幟而出拍畫
地形若布大陳狀賊懼宵遁八編類纂曰党項犯塞
時新募萬勝軍未習戰陣遇寇多北狄青為將一日盡
取萬勝旗付虎翼軍使之出戰賊望其旗易之全軍徑
趨為虎翼所破殆無遺類

旌旗四

原旗致萬民

周禮云大軍旅大田役以旗致萬民而治其徒庶之政令鄭元注曰旗畫熊虎者也

徵衆刻日樹旗期于其下

指所伐

漢書郊祀志曰武帝伐南越告禱太乙以牡荆畫幡日月北斗

登龍以象太乙三星為太乙鐘旗命曰靈旗為兵禱則太史奉以指所伐國注云牡荆作幡柄也天文志天極

星其一明者太乙也旁三星三公也畫一星在後三星在前為太乙鐘旗也

增以鳥畫旗

拾遺記曰武王東伐紂夜濟河月明如畫有大彗狀如丹鳥飛集王舟因以鳥畫其旗名其船為彗舟

大綏小綏

禮記曰天子殺則下大綏諸侯殺則下小綏鄭注曰綏當為縶有虞氏之旌旗也下謂辨

之

羽毛

左傳曰襄公十四年范宣子假羽毛於齊而弗歸齊人始貳注析羽為旌王者游車之所

建齊私有之
因謂之羽毛

猛獸以尾為旌

詞林海錯曰呂氏春秋
猛獸以尾為旌以角為

城

綰茂

又曰東京賦通帛綰茂玉海
吉行以綰茂師行以白旂

燭影雙旌

景苑

詳注唐淮西用兵劉沔夜有人授以雙燭曰
君當大貴後果至大將常有燭影在雙旌上

旌旗相

屬五十餘里

五代史曰契丹耶律德光自
雁門入旌旗相屬五十餘里

卷旗以奔

晉軍

又曰趙彥之與安重榮有隙臨陣捲旗以奔晉軍
其鎧甲鞍轡皆裝以銀晉軍不知其來降爭殺而

之分

分紫白旗入金營

通鑑宋紀曰吳玠吳璘與烏珠
戰於仙人關統領王喜王武率

銳士分紫白旗入金營金陣亂
奮擊射韓常中左目金人宵遁

詐張端旗

又曰張浚
既殺曲端

未幾與金人再戰于富平浚師詐張端旗以
懼敵金烏珠知端已死撫掌笑曰何給我也

順昌旗

幟

宋史劉錡傳曰錡與金兵戰敵望見曰此順昌旗幟也即退走

書旗曰賽存孝

八編

類纂曰孟珙攻金信陽劉整為前鋒夜縱驍勇十二人渡整登城襲擒其守還報珙大驚以為唐李存孝率十八騎援洛陽今整所將更寡而取信陽乃書其旗曰賽存孝

光自日出繞旗如流

星

遼史高模翰傳曰太宗時敕虎官楊軍赴乾寧軍為滄州節度使田武名所圍模翰與趙延壽聚議往救

俄有光自模翰目中出縈繞旗矛鏃鏃如流星久之模翰喜曰此天贊之祥遂進兵殺獲甚衆以功加侍中

書今古相對四字

金史完顏寓傳曰宣宗時有王守信者本一村夫寓薦於朝詔署行

軍都統大書古今相對四字於旗上

蘆荻為旗狀

通鑑元紀曰元至正十二年江淮蘆荻多

為旗鎗人馬之狀節間折開有紅暈成天下太平四字

出手刺繡文旗與弟

漢載

記曰滇南九代總管段功為元梁王誘而殺之功女僧
奴志恒不忘復仇將適建昌阿黎氏出手刺繡文旗以
與弟段寶曰我自束髮聞母稱父冤恨非男子不能報
此旗所以識也今歸夫家收合東兵飛檄西洱汝急應
兵會善闡

旗上對聯

明興雜記曰太祖初克婺州於城樓
立大旗二面親書對聯云山河奄有

中華地日月重開一
統天帝王氣象見矣

矢集旗如蜩毛

典故紀聞曰成
祖淳沱之戰自

以數百騎突入陣大呼奮擊夫集其旗者如蜩毛翊日
遣人送旗回北平諭世子謹藏之以示後世子孫使知
今禦禍

皂旗張

拊膝錄曰張能以都指揮充偏將力
挽千斤每遇戰輒揮皂旗先登軍中

呼為皂旗張轉戰山東屢有俘馘夾河
之役力戰死猶執皂旗不仆一軍異之

頃刻成數百

旗

兵略纂聞曰指揮使沈希儀在廣西時荔浦縣賊八
千人行剽歸倉卒部五百人往扼之蛟龍滑石兩灘

相去數里希儀曰滑石灘狹行引繩乃濟雖衆可薄也
蛟龍灘濶衆成列難圖矣吾欲奪其闊而致之狹伐岸
竹揭岸上編筏以為繆頃刻成數百旗插之蛟龍灘
令羸卒數十人守之燃柴煙以疑賊賊果趨滑石

旌旗五

增詩唐李嶠有詠旌詩曰告善康莊側求賢市肆中擁
麾分彩雉持節曳丹虹影麗天山雪光搖朔塞風方知
美周政抗旆賦車攻 又詠旗詩曰桂影承宵月虹輝
接曙雲縱橫齊八陣舒卷引三軍日薄蛟龍影風翻鳥
隼文誰知懷勇志蟠地幾繽紛 杜甫詩曰翠旌雲旆

相蕩摩 又曰旌旗日暖龍蛇動 又曰春殿晴曛赤

羽旗 楊炯詩曰幡旗如鳥翼 李乂詩曰虎旗懸氣

色 沈佺期詩曰風捲渡河旗 李賀詩曰旗懸日月

低 又曰羅旗香幹金畫葉 張說詩曰風色燄旌旗

岑參詩曰郊雲拂畫旗 錢起詩曰海日生紅旗

高適詩曰旌旆五雲連 駱賓王詩曰風旗翻翼影

王昌齡詩曰紅旗半卷出轅門 戎昱詩曰龍繞旌竿

獸滿旗翻營乍似雪中移

原銘滕彥將旗銘曰赫赫王靈悠悠旆旌龍旗所指八表澄清

旄一

增尚書曰羽畎夏翟

注夏翟雉羽中旄旌者也

又曰武王左杖黃

鉞右秉白旄以麾

孔安國注曰右手把旄示有事於教也

毛詩曰干旄

美好善也衛文公之臣子多好善賢者樂告以善道也

子子干旄在浚之郊 汲冢周書王會解曰伊尹受命

為四方令曰正西崑崙狗國鬼親枳已闐耳貫胸雕題

離丘漆齒請令以丹青白旄紕蜀江歷龍角神龜爲獻
吳子曰旌旗旄幟所以威目

旄二

增列仙傳曰秦文公時有梓樹化爲牛以騎擊之騎不
勝或墜髻解被髮牛畏之入河故秦因致旄頭騎使先
驅

旄三

原星旄

蜺旄

楊雄甘泉賦蓋而鸞旗

云流星旄以電燭兮咸翠
西京賦云弧旌枉矢虹旃

旄 羽旄 駢旄 班固東都賦云羽旄掃蜺旌旗拂天左傳瑕禽云平王東遷吾七姓從

王王賜之 駢旄之盟 朱旄 靈旄 張衡東京賦云屬車九九乘軒並轂璅駟重旃朱旄青屋

目耀之靈旄 晉輿服志張 擁旄 把旄 晉書王珣傳曰珣與陳郡謝玄為桓溫掾俱為

溫所重嘗謂之曰謝掾年四十必擁旄仗節王掾當作黑頭公皆未易才也 鬻子曰武王伐紂乃命太公把

旄以麾之 紂軍反走 素旄 采旄 文選曰素旄一麾渾一區宇洛神賦曰左倚采旄右蔭

旗 原綴蟬 雜虹蜺 甘泉賦曰建雄虹之采旄兮五色雜而炫耀注曰係綴蟬

蟬文采紛錯衆采雜側而明朗也 楊修許 昌宮賦云建日月之太常雜虹蜺之旌旄

旂一

增釋名曰旛幡也其貌幡幡也 吳子曰凡戰之法畫

以旌旗旛麾為節 李靖問對曰臣竊觀陛下所製破

陣樂舞前出四表後綴八旛左右折旋趨步金鼓各有
其節此即八陣圖四頭八尾之制也 崔豹古今注曰

信旛古之徽號也所以題表官號以為符信故謂為信
旛乘輿則畫為白虎取其義而有威信之德也魏朝有
青龍朱雀元武白虎黃龍等五旛以詔四方詔東方郡
國以青龍南朱雀西白虎北元武朝廷畿內則以黃龍

亦以騏驎旂高貴鄉公討晉文王自乘黃龍旂以麾是也今晉朝惟用白虎旂信旂用鳥取其飛騰輕疾也一曰以鴻雁燕鳬者去來之信也

旂二

增吳志孫權傳曰關羽還當陽西保麥城權使誘之羽偽降立旂旗為象人於城上因遁走晉書王濬傳曰濬起宅開門前路廣數十步曰吾欲使容長戟旂旗又齊王冏傳曰長沙王乂攻齊王冏火燒諸觀閣及千

秋神武門同令王湖悉盜騶虞幡唱曰長沙王矯詔又
又稱大司馬謀反 又張華傳曰楚王瑋受密詔殺太
宰汝南王亮太保衛瓘等內外兵擾朝廷大恐計無所
出張華白帝遣騶虞幡使外軍解嚴上從之瑋兵果散
鄴中記曰勒為石虎諱呼白虎幡為天鹿幡

幡三

原指天

沈水

兵書云督將已下各自有幡軍發時幡
指天者戰必勝 王隱晉書云廣州刺

史盧循反上命左軍將軍劉道規討之中軍麾兵以進
幡忽沈水衆失色中軍因歡笑曰往年覆舟之戰亦沈

旗竿今復然必破賊矣遂大破之

舒旗

舉旗

諸葛亮軍令曰始出營豎矛戟舒旗鳴

鼓角行三里辟矛戟結旗鳴鼓角未至營三里復豎矛戟舒旗旗鳴鼓角復結旗旗止鼓角違令者斃漢書曰鮑宣拜司隸以推辱宰相下廷尉博士弟子王咸舉旗曰欲救鮑司隸者會此下會者千餘人增

白虎

青龍

宋書王曇首傳曰元嘉四年車駕出北堂嘗使三更竟開廣莫門南臺云應須白虎

旗銀字榮不肯開門曰魏朝有青龍等五旗以詔四方崔豹古今注

執黃旗

舉白

旗

晉書衛瓘傳曰楚王瑋之伏誅也瓘女與國臣書曰先公名謚未顯無異凡人每怪一國蔑然無言春秋

之失其咎安在悲憤感慨故以示意於是主簿劉繇等執黃旗過登聞鼓上言論之通鑑唐紀曰源休以使回紇還賞薄怨朝廷入見泚屏人密語移時為泚陳成敗引待命勸之偕逆泚喜然猶未決宿衛諸軍舉白旗

降者列於闕前甚衆

原單于五采道人三尺

漢書云甘延壽出西域部勒行

陳前至鄧支城都瀨水上望見單于城上立五采幡幟數百人被甲乘城出百餘騎往來馳城下步兵百餘人

夾門魚鱗陳講習用兵延壽令軍聞鼓音皆薄城下四面圍城夜半城破單于被創死獻帝春秋曰董卓未

誅有道人持三尺布幡上作兩口相銜之字負之行歌于道及呂布殺卓負布者不復見

軍發先

持招降為信

軍令云水軍發輒先遣人持幡于前豎所當營火之處水邊岸上船若夜到者

又然炬火船至見幡火以次泊東觀漢記曰梁諷征匈奴屯軍于邊以大漢威靈招之匈奴畏感奔馳來降

諷輒為信幡遣還營前後萬餘人相屬於道

賁幡白督郵舉幡候常侍

鍾離意別傳云意為瑕丘令正月立春遣戶曹吏檀建賁青憤幡白督郵督郵不受建留于家還白意言受他

日意見督郵而督郵謝意言所以不受青幘者已有也意還召建問狀建惶怖叩頭意曰勿叩頭使外聞也

後漢書曰虞詡為司隸校尉時中常侍張防特用權勢詡輒案之屢寢不報乃自繫廷尉書奏防流涕訴帝

詡坐論輸左校帝疑馬於是詡子顗與門生百餘人舉幡候中常侍高梵車叩頭流血訴言枉狀梵入言之防

坐徙邊詡即日赦出

持幡拍軍師

持幡云使者

博物志扶風太守白事云

近有一老翁年七十餘持五米幡白色居多云其幡拍處當遇軍師風俗通陳國趙祐酒後與人爭出外見

一人乘竹馬持風幡云我行雲使者

懸青幡非勸耕之意

負青幡無

賞罰之實

鹽鐵論云發春之後懸青幡築土牛殆非明主勸耕之意王桀務本論云末世之吏負

青幡而布春令有勸農之名無賞罰之實

旂四

原命曰靈旗

漢書郊祀志曰武帝伐南越禱太乙以牡荆畫旗日月北斗登龍以象太乙三星爲

太乙鎗旗命曰靈旗師古曰以牡荆爲旂竿而畫幡爲日月龍及星

血緣旂竹而上

按續

神記曰東海孝婦名用青用青將死載十丈竹竿以懸五旂立誓于衆曰青若有罪願殺血當順下若枉死血

當逆流既行刑其血青

煩處士作旂

詞林海錯曰傳異記崔元微月

黃矯然緣旂竹而上

夜見青娥楊氏陶氏李氏又緋衣小女曰石醋醋遊戲醋曰苑中每被惡風相撓常求封家十八姨相庇煩處士每歲旦作一旂上圖日月五星立苑東此乃衆花精封姨乃風神也

旂五

增詩唐楊炯詩曰旛旗如鳥翼 張籍詩曰戍亭當嶺
見紅幡 劉禹錫詩曰降幡秋練白

增文晉庾肅之教曰大赦蕩然萬物更新陽幡既建事
從寬簡差可得詢求民瘼撫循物性

麾一

增崔豹古今注曰麾所以指麾武王右執白旄以麾是
也乘輿以黃諸公以朱刺史二千石以纁 淮南子曰
譬若軍之持麾者也妄指亂而已 隋書禮儀志曰有

繼旗四以施軍旅一曰麾以供將軍 周禮巾車建大
麾以田後世協律郎執之以令樂工高七尺干飾以龍
首綴纁帛畫升龍於其上

麾二

增博物志曰武王伐紂渡河大風波武王操戈秉麾麾
之風波立濟 晉書陸機傳曰孟超縱兵大掠機錄其
主者超將鐵騎百餘人直入機麾下奪之 弇州史料
曰傳友德既擒李二高帝召還建康進江淮行省參政

命以麾蓋鼓吹送歸第

麾三

增纏麾

授麾

唐書竇建德傳曰秦王麾軍先登騎怒塵大漲乃率史大柰秦叔寶纏麾幟馳

出賊陣後建德軍顧而驚遂大潰魏志張遼傳曰遼從征袁尚於柳城卒與虜遇遼勸操戰氣甚奮操壯之

自以所持麾授遼遂擊大破之

子重麾

顏良麾

左傳曰楚人謂夫旌子重之麾也

華陽國志曰袁紹遣驍騎將軍顏良攻東郡太守劉延于白馬公使遼羽為先鋒羽望見良麾策馬刺良于萬

衆中斬其首還遂解延圍

綴纁帛

拂綵虹

上詳見麾一李白詩曰旌麾拂綵虹

原建麾田獵

視麾前後

周禮巾車職曰建大麾以田獵鄭注曰大麾不在九

旗中以正色言之則黑夏后氏所建田四時田獵也
軍令曰凡戰臨陣皆無誼諱明聽鼓音謹視旂度度前
則前度後則後度左則左度右則右度不聞令而擅前後左右者斬
邵恭執麾 戴洋

執麾

趙書云太和二年春正月具禮樂朝羣后侍郎邵
恭執麾不降常侍畦洪執義不彈皆下理官 晉

書曰戴洋年十二遇病死五日而蘇說死時天使其為
酒藏吏授符錄給吏從執旂麾將上進萊崑崙積石太
室恒廬衡等諸山既而遣歸後行至 增班超假麾
瀨鄉經老子祠皆是洋昔死時所見

韋叡樹麾

後漢書班超傳曰建初八年拜超為將兵長
史假鼓吹幢麾注橫吹麾幢皆大將所有超

非大將故言假 南史韋叡傳曰叡攻魏堰淝水以灌
合肥堰既立使軍主王懷靜築城于岸守之魏攻陷城
乘勝至叡城下諸將請退保三丈叡怒曰將軍死綏
有前無却因令取繖扇麾幢樹之堤下示無動志

麾四

原天子置五麾

穀梁傳云日有食之鼓用牲于社用牲非禮也天子救日置五麾陳五兵五鼓

諸侯置三麾陳三兵三鼓

視麾所指

軍令云弩獨前戰視麾所指而發之

麾五

增詩唐杜甫詩曰枉沐旌麾出城府

沈佺期詩曰軍

麾相國持

旒一

增毛詩曰為下國綴旒

隋書禮儀志曰被旂旒以表

貴賤 又曰開皇十四年改造五輅玉輅青質金輅赤質象輅黃質草輅白質木輅元質旂旒與輅同色 又曰第三第四品旂旒皆赤其旒

旒二

原旂旒

羽旒

旂十有二旒龍章而設日月以象天也 周禮云全羽為旒

贅旒

神旒

公羊傳曰春秋之時天下之君如贅旒然 東京賦曰建神旒之太常

象大火

象鶉火

周禮云龍旂九旒以象大火鄭元注云交龍為旂諸侯之所建也大火蒼龍宿之心其屬

有尾尾九星 又云鳥旗七旒以象鶉火鄭注曰鳥隼為旗州里之所建鶉火朱鳥宿之柳其屬有星星七星

熊旂六旂

龜蛇四旂

又云熊旂六旂以象伐也鄭注詳旗內三象六星注又

云龜蛇四旂以象營室也鄭注曰龜蛇為旐縣鄙之所建營室元武宿與東壁連體而四星

天子

至地

天子曳地

廣雅云天子十二旒至地諸侯九旒至軫卿大夫七旒至輶士三旒至肩

禮含文嘉曰天子之旗九仞十二旒曳地

眊一

增庚翼與慕容皝書曰今致襦鎧一領兜牟白眊自副

又曰今致朱漆鈰二十張絳碧畫幡黑眊自副 字彙

曰眊兜鍪上飾

眊二

增韻府羣玉曰梁元帝子方諸鎮江夏侯景遣將宋子
仙襲之入城方諸尚以五色眊辨鮑泉鬚被執

眊三

原白狼

孔雀

俗說云謝安小兒時便有名譽流聞遠
國慕容廆餉謝白狼眊一隻謝時年十

三一作慕容垂
致孔雀眊二枚案

庾廙與燕王書云今
眊音二羽毛飾也

出天竺

贈

楊彪

外國傳云黑白眊出天竺國
與楊彪書云今贈足下十鈴眊一具

重見辭謝

結以忘憂

諸葛亮與吳王書云所送白眊薄少重見
辭謝益以增慙
魏略云諸葛亮見劉備

性好眊時適有以牛尾眊與備者備手自結之亮曰將軍當復有遠志耶止結眊而已備知亮非常人乃投眊而謂曰以忘憂耳

須髮為眊 赤黑為眊

續異記曰竟陵王誕在廣陵左右侍

直眠夢人告之曰有神須汝髮為眊覺則已失髮矣漢魏故事曰與外國節皆用赤黑為眊異于常節

眊四

增書漢諸葛亮與瑾書曰兄嫌白帝兵非精練到所督則先主帳下白眊西方上兵也嫌其少也當復部分江州兵以廣益之

御定淵鑑類函卷二百二十七